

# إمرأة تحت التهديد

امرأة تحت التهديد  
رواية  
بدر تاج  
الطبعة الأولى : ٢٠١٥



دار الحلم للنشر والتوزيع  
٤ شارع الأشراف - من شارع مؤسسة الزكاة - المرج - القاهرة  
موبايل : ٠١١٤١٨٢٤٥٦٢  
dar\_el7elm@hotmail.com  
المدير العام : د. إسلام فتحى

تصميم الغلاف : محمد عبد السلام  
إخراج داخلي : الحلم للدعاية والإعلان

رقم الإيداع :  
رقم التقييم الدولي :

إن دار الحلم للنشر والتوزيع، غير مسؤولة عن آراء المؤلف وأفكاره، وتعبّر  
الآراء الواردة في هذا الكتاب عن آراء المؤلف، ولا تعبّر بالضرورة عن آراء  
الدار .

**بدر تاج**

**إمرأة  
تحت التهديد**

**الحلم للنشر والتوزيع**

oboeikan.com

## المطاردة الرهيبة

انطلقت سيارة مرسيدس حمراء فاخرة بسرعة جنونية في شوارع القاهرة في ليلة بلا قمر فائدة السيارة كانت نظراتها حاسمة، ومترقبة تنظر في المرأة التي أمامها وكأنها تترقب شيئا ما ويبدو أنه أفضل خيار لها فشعرها الأشقر الذي تطاير نتيجة شدة تيار الهواء جعل مهمتها في مراقبة باقي مرايا السيارة مهمة صعبة لذلك حاولت السيطرة على شعرها الطويل الذي تطاير حول وجهها ولكن بلا فائدة حتى ظهرت سيارة جيب سوداء وبدأت تقترب شيئا فشيئا من سيارة هذه السيدة ولكن تطور الأمر من مجرد تتبع للسيارة المرسيدس إلى مطاردة زاد لهيبها إلى مطاردة رهيبة فانطلقت السيدة الشقراء الجميلة محاولة تغيير مسارها مندفعة نحو الطرق السريعة بعيدا عن شوارع القاهرة التي ربما تعرقل سرعتها ولكن السيارة السوداء بدأت في ضرب مؤخرة السيارة الحمراء أما السيدة الشقراء فكانت عينها تلمع كالبرق لذلك قررت فجأة التوقف لضرب مقدمة السيارة الجيب وبمجرد تحطم مقدمة السيارة الجيب حتى انطلقت بسرعة هائلة بسيارتها بعدما استطاعت تحقيق هدفها ولكن لحظات مضت سريعا إلى أن فاجأتهما سيارتان من نفس طراز السيارة الأولى تطاردانها مطاردة مميتة ولكن المرأة الجميلة لم تهتز بل زاد بريق عينيها ليصل إلى إحمرار عينها السوداء، فلم تعد سيارتها تنطلق بسرعة جنونية بل تطير وفي الأفق البعيد ظهرت سيارة نقل صغيرة يقودها سائق بجانبه رجل شيخ ملتحي حيث شاهدا شيئا غريبا جعلهما يتحدثان.

السائق : يا ساتر أستر يارب.

الشيخ : في إيه يا ابني.  
السائق : في عربيتين يجروا ورا العربية اللي وانا دي وشكلها  
مش هاتعدي على خير.

الشيخ : (أجاب في هدوء) ربنا يستر.  
تخطت السيارة المرسيديس كل السيارات التي تطاردها بما فيها السيارة  
النقل ولكن لم تتوقف السيارات الجيب بل زادت سرعتها فكانت خلفها  
تماماً أما راكبا السيارة النقل كانا يراقبان ما يحدث في سكون تام فلم  
يستطع أحد التفوه بكلمة نتيجة هذا المشهد المثير للدهشة.  
اقتربت السيارتان الجيب من سيارة السيدة الشقراء فأصبحت في المنتصف  
وبدأت سيارتا الجيب في لمس السيارة المرسيديس حتى بدأ صوت المرأة  
يتعالى من الصراخ وما أن عالت صرخاتها حتى افترت سيارتا الجيب  
فجأة لتفتح هذه السيدة عينها من شدة الذعر ولتصمت لحظه قبل أن  
تصدم السيارة بعمود الإضاءة على الطريق.

تقترب السيارة النقل شيئاً فشيئاً حتى تصل إلى موقع تحطم السيارة  
وما هي إلا لحظات حتى اندفع الشيخ باحثاً عن قائد السيارة المحطمة  
ليجدها سيدة ترتدي ملابس فاخرة ولكن قبل أن تأخذه المفاجأة كان  
السائق حطم باب السيارة ليخرجها منها وما أن بدأ جسدها يتحرك خارج  
السيارة حتى قام الشيخ بمساعدة السائق لتسريع عملية نقلها قبل فوات  
الأوان وما أن وضع كل من السائق والشيخ جسد المرأة بداخل سيارة  
النقل حتى اهتزت السيارة وتحولت السماء المظلمة إلى نهار بسبب قوة  
الانفجار

## من أنا؟

يدخل رجل شيخ ملتحي إلي حجرة بها سيدة عجوز و امرأة مستلقية علي الفراش غائبة عن الوعي و يحاول الرجل الشيخ إيقاظها من غيبوبتها بالبصل و يبدو علي تلك المرأة الشحوب و بعض الجروح و الإصابات في جسدها و وجهها كذلك تبدو في الأربعينات من العمر و بعد لحظات تفتح تلك المرأة عينيها لتجد نفسها في غرفة متواضعة الأثاث مرتبة و نظيفة و تنظر هذه المرأة إلى من حولها لتجد سيدة عجوز تقول لها حمد الله علي السلامة يا ابنتي!

تدهش هذه المرأة و يبدو عليها علامات الاستغراب و لكنها تظل صامته في حين يكسر هذا الصمت الرجل الشيخ  
قائلة : طب أنا هاسيبيكم لوحكمم عشان تخيري هدومك و تاخدي راحتك.

يقول كلمته و يخرج مسرعا ثم تنظر المرأة إلي السيدة العجوز و في عينيها نظرات تساؤل  
قائلة : أنا فين؟.

ترد عليها السيدة العجوز ببشاشة : انتي يا ابنتي عندنا في بيتنا صحيح هو مش قد المقام بس إن شاء الله هاترتاحي معانا لحد ما تقدري تقفي على رجليكي و تصلبي طولك  
ترد عليها المرأة : انتي مين؟

تجيبها ببشاشة و ترحاب : أنا خالتك أم عصام.  
تزداد علامات الاستعجاب و الاستغراب علي وجه المرأة ثم تدارك الموقف و تقول لها : أنا مين يا أم عصام؟ انتي تعرفيني؟.

فترد أم عصام بلهجة حزينة قائلة : لا يا بنتي أبو عصام لقاكي جوا عربية  
بعد ما عملتي حادثة و جابك على هنا وأنتي مغم  
عليكي و متعورة و جابك على هنا.

فتجيبها هذه المرأة بصوت حاد و به ألم علي المصيبة التي تعاني منها حيث  
أنها لا تعرف شيئا عن نفسها : بس أنا معرفش أنا مين؟ أنا مين؟ أنا.. مين؟  
لتنهي كلماتها بالبكاء و النحيب فتأخذها أم عصام بين أحضانها  
قائلة : انتي.. انتي فرح آه فرح عشان انتي اللي هاترجعي  
الفرح للبيت ده.

و في تلك اللحظة شردت المرأة بعيدا لأنها اكتشفت لأول مره منذ عودة  
وعيها بأنها فاقده للذاكرة و بالتالي عليها الآن أن تدبر أمرها مع واقعها  
الجديد و أن تقبل باسم فرح حتي تستطيع الوصول لمعرفة حقيقتها و  
بعد فترة شرود من فرح تفاجئها أم عصام  
قائله : يالا يا حبيبتي قومي معايا تستحمي و تغيري هدمك  
دي.

فتقوم معها فرح حيث بدأت تشعر بالطمأنينة بعدما وجدت نفسها بين  
أشخاص شعرت بالثقة تجاههم من طريقة تصرفهم معها في أثناء تلك  
اللحظات كان الرجل الشيخ أبو عصام يحضر الطعام علي المائدة فتخرج  
أم عصام و معها فرح من الغرفة بعدما استعادت فرح حيويتها و نشاطها  
لتعينها أم عصام علي الجلوس علي المائدة.  
أبو عصام : ها ازاي الحال.

لتجيب أم عصام بنبره سعيدة : لا ده إحنا بقينا حاجه حلوه أوي.

فترد فرح بحياء و حرج شديد

قائله : أنا بجد مش عارفه أقولكم إيه أنا مكسوفة أوي  
دخلتوا حد ما تعرفهوش و مقعدني معاكم و بتعاملوني

علي إني زي بنتكم بجد ده كثير أوي

يرد عليها بحزم شديد

أبو عصام : لا كثير ولا حاجة يا بنتي إحنا عملنا الأصول معقول

يعني الأقي واحده ست في حادثه و العربية كانت هاتنفجر و معملش حاجة ؟

ترد فرح : طب ما قدرتش تعرف أرقام العربية إيه؟ يمكن نوصل للحقيقة.

أبو عصام : لا يا ابنتي العربية اللي خرجتي منها أتفحمت بثواني بعد ما خرجتك من العربية ولولا رحمة ربنا كان زمانك أتفحمتي معاها.

فرح متسائلة : بس إيه اللي يخليني أعمل حادثه؟ و المفروض إني بعرف أسوق!.

ينظر كلاً من أبو عصام و أم عصام لبعضهما البعض حيث أشارت أم عصام بعينها بعدم قول الحقيقة كاملة ولكن أبو عصام أصر على قول الحقيقة كاملة حتى لو كانت الحقيقة مخيفه.

أبو عصام : أنا يا ابنتي كنت رايح أجيب بضاعة للمكتبة بتاعتي وكنت قاعد جمب السواق و فجأة لاقيتك بتجري بالعربية بسرعة ووراكي عربية بتحاول تحصلك و فجأة خبطي في عمود النور و الحمد لله وصلت في الوقت المناسب عشان أنقذك.

فرح : (في استغراب شديد) بس مين اللي بيطاردني كده؟  
أبو عصام : معرفش يا بنتي.

فرح في حزن : مين اللي عايز يقتلني أنا مش ممكن أكون عملت حاجة ممكن تأذي حد.

أبو عصام : فكري في دلوقتي يا ابنتي و سيبى بكره لبعدين و  
مصيرك تعرفي الحقيقة

فرح : (ترد بحرج شديد) بس أنا مش عارفه أنا مين و  
الحقيقة أنا فاقدته الذاكرة و مش فاكرة أي حاجة و  
شكلي هطول عندكم.

يرد عليها أبو عصام قائلا : و إيه يعني هو انتي تعباننا في إيه بتاكي مللي  
بناكل منه و أولادنا ما شاء الله عليهم متجوزين و في  
بيوتهم و بيتسم لها ليكمل حديثه.. ده انتي هاتملي  
علينا البيت و صدق من سماكي فرح.

فتضحك أم عصام قائلة : بصي بقه ده الحاج شرف الدمهوري أبو عصام  
و أنا خالتك كريمة أم عصام يعني ما تحمليش هم  
اعتبريني زي أمك وله أنا مش أد المقام ؟

فتقوم فرح بأخذ الحاجة أم عصام في أحضانها  
لتقول لها : لا ما تقوليش كده بجد ربنا يخليكو ليا.

تخرج فرح من باب غرفتها بينما أم عصام جالسة تقوم بإعداد الطعام على  
المائدة و هي تشاهد التلفاز و ما أن تنبعت أم عصام لوجود فرح  
أم عصام : يوه انتي صحيتي يا بنتي شكلك تعبانه أوي عشان  
كده صاحية العصرية

فرح : ايوه يا خالتي أنا حاسة باني بقالي سنين منمش  
ثم تصمت فرح لبرهة قائلة : هو محدش عايش في البيت ده غير حضرتك  
و أبو عصام ؟

أم عصام : (تتنهد قائلة) والله يا ابنتي دي سنة الحياه ابنتي  
الكبيرة مع جوزها في الخليج و عصام بيشتغل ظابط  
بس في الأرياف ما يجيش إلا كل أجازة و الأجازة دي

كل شهر مره أو كل شهرين حسب ما يرضوا عليه و  
يدوله الأجازة

فرح : ياه يعني محدش بيساعدك في شغل البيت ؟  
أم عصام : لا يا بنتي البيت مسؤوليتي و أبو عصام بيساعدني  
كثير برضو.

فرح : تسمحييلي أساعدك.

أم عصام : (ممازحه فرح) إيه صعبت عليكي؟.

فرح : لا مش قصدي.

أم عصام : (مهرح) انتي هنا ضيفتنا ما يصحش نشغلك.

فرح : يبقى لسة معتبرني غريبة مش زي ما قولتولي باني  
بنتكم

أم عصام : يا خبر معقول تفكري كده

فرح : يبقى خلييني أساعدك

أم عصام : طيب يا ابنتي اعلمي السلطة لحد ما أكون خلصت  
تقطيف الملوخية

فرح : ياه الساعة باقت ٤ و الأكل لسة ما خلصش إنتوا  
بتتعدوا متأخر أوي كده ليه؟

أم عصام : (ضاحكة) لا يا بنتي خالتك أم عصام ست عجوزة ما  
تقدرش تطبخ كل يوم عشان كده أنا بجهاز أكل بكره  
فرح : شوفتي بقه ؟ كان ليا حق لما قولتلك سيبيني أساعدك.

وما أن أنهت جملتها حتى دخل أبو عصام من الباب ليجد أمامه فرح و  
أم عصام تجلسان و تقومان بإعداد الطعام.

الحاج شرف : (بغضب) إيه ده يا أم عصام كده تشغلي فرح يا أم  
عصام ؟ مش أنا قولتلك قبل كده حسك عينيك تشتغل

حاجة في البيت؟

أم عصام : والله لسة قايلالها الكلام ده بس هيه صممت أعملها

أنا إيه بقه ؟

فرح : (مقاطعه أم عصام) يا عمي أنا بقالي كزا يوم و النبي

أدم تقيل و فيه حاجات كتير لازم أفاتحك بيها.

الحاج شرف : حاجات؟ حاجات زي إيه؟

فرح : طب أقعد الأول كده و صلي ع النبي عشان نعرف

نتكلم.

يجلس الحاج شرف على المائدة وهو يقول : عليه الصلاة والسلام.

فرح : قرئت جرايد النهاردة؟.

الحاج شرف : أيوه يا ابنتي.

فرح : (بحماس) كتبوا حاجه عن الحادثة ؟

الحاج : (بحزن) لا والله يا ابنتي

فرح : (بدهشة) مش معقول؟ ازاي ده؟.

الحاج شرف : هو ده الي حصل لو مش مصدقاني هاجيبلك كل

الجرايد و انتي تشوفيها بنفسك.

فرح : لا يا عمي ما تقولش كده بس أي حادثة و خصوصاً

حادثة إنفجرت بيها عربية و اختفت صاحبته كان لازم

تنشرها الجرايد.

الحاج شرف : (باستعجاب) فعلاً يا ابنتي أنا مستغرب الموضوع ده.

فرح : يبقى لازم أروح عند دكتور عشان أفكر أنا مين؟.

الحاج شرف : أوعي تكوني فكراني جاهل يا ابنتي بس أنا شايف انك

مستعجلة أوي.

فرح : (بإصرار) أنا مستعجلة عشان أعرف مين الي كان

عايز يقتلني و أكيد أنا عندي أهل بس ليه مش  
بيدوروا عليه؟.

الحاج شرف : الله أعلم.

: يبقى الحل إنك تاخدي النهاردة توديني لدكتور  
أمراض نفسية و عصبية عشان أرتاح.

الحاج : (يطمنن عليها) مالك يا ابنتي.

: كل ما بقعد مع نفسي بقعد أفكر كتير و اسأل نفسي

فرح

أنا مين؟ و الناس اللي كانت عايزه تقتلني عملت كده

ليه؟ و يا ترى أنا ست كويسه ولا ست وحشة عشان

حد يتخلص مني؟.

الحاج شرف : لا يا ابنتي انتي جواكي كل خير.

: (باحباط) مش يمكن أنا أذيت الناس دي عشان كده

فرح

انتقموا مني؟.

: اللي أعرفه يا ابنتي إن في الزمن ده القوي هو اللي

الحاج شرف

بيظلم الضعيف و الكبير هو اللي بياكل حق الصغير.

تصمت فرح و الحاج شرف لعدة لحظات لأن بداخل كل منهما أسئلة

كثيرة و كأن لازال للحديث بقية ولكن لا يريد كل منهما مواصلة الحديث

و ما هي لحظات معدودة حتى قطعت هذا الصمت الحاجة أم عصام.

أم عصام : (بمرح) إيه يا جماعه إنتوا ما جعتوش.

: آه والله يا أم عصام أنا ميت من الجوع و أكيد فرح

الحاج شرف

جاعت معانا.

تصمت فرح في حياء شديد و تنظر إلى الأرض من شدة الإحراج

: هانخلص الغدا و هانزل معاكي نشوف دكتور عشانك

الحاج شرف

يا فرح.

تطير فرح من السعادة بهذا النبأ السار.

فرح : ربنا يخليك ليا يا عمي.

الحاج شرف : ينفع تقولي يا بابا؟

فرح : معقول؟

الحاج شرف : إيه ما أنفعش؟

فرح : لا أبدأ يا بابا.

أم عصام : (وقد بدأت الدموع تنهمر من عينيها) يا جماعة

خليتوني أعيط و أنا قدامي تحضير الغدا أديني قاعده  
مش عاملة حاجة.

فرح : لا يا ماما ما تعيطيش خلاص بنتكم اللي كانت غايبة

رجعت ثاني.

تحتضن فرح أم عصام بينما يقوم الحاج شرف بمسح الدموع من على  
وجهه.

## في عيادة الطبيب النفسي

تجلس فرح بجوار الحاج شرف في عيادة الدكتور سامح و تمر مدة طويلة على الإنتظار بينما لا يوجد أحد في غرفة الإنتظار سوى فرح و الحاج شرف مرت كل هذه الفترة بلا أي حوار ما بينهما و يبدو بأن فرح لا تريد للممرضة أن تسمع أي حوار يدور بينها و بين الحاج شرف و بعد فترة صمت طويلة لتأتي الممرضة في هدوء قائلة جملتها بمنتهى البشاشة.  
الممرضة : الأستاذة فرح تقدرني تدخلي دلوقتي للدكتور.

الحاج شرف : أنا هاستناكي هنا يا ابنتي.  
نهضت فرح ببطء و هي قلقة بعض الشيء و بدأت تخطو خطواتها ببطء كما أن دقائق قلبها بدأت في التسارع و ما أن وقفت في مواجهة الدكتور سامح حتى قابلها بوجه مبتسم.

الدكتور سامح : أهلاً و سهلاً بيكي يا فرح.  
فرح : أهلاً بحضرتك.

الدكتور سامح : عندك كام سنه يا فرح.  
صدم هذا السؤال فرح حيث أنها لا تعرف كم عمرها فأجابته بحيرة شديدة

فرح : مش عارفة؟.

الدكتور سامح : و مش عارفة ليه؟.

فرح : أنا فاقدة للذاكرة يا دكتور زي ما قولت للممرضة بره.  
الدكتور سامح : (بيتسم و يقول لها) منا عارف انك مش فاكرة بس الإنسان ممكن يعرف سنه بالتقريب.

فرح : ما جاش في بالي الموضوع ده خالص.  
الدكتور سامح : (يتنهد قائلاً) طيب خير اتفضلي اقعدي هناك.  
تقوم فرح بصمت متجهة إلى مقعد للإسترخاء و مازالت تشعر بالقلق و  
الخوف من شيء ما يلحق الدكتور سامح بها أثناء إسترخائها على المقعد و  
بعدها استلقت فرح على المقعد كان الدكتور قام بتحضير إبرة مهدئه لها.  
الدكتور سامح : ممكن ترفعي القميص عشان الحقنة.. (ثم يمازحها  
قائلاً) ما تخافيش مش هاتحسي إلا بشكة بسطية.

تبتسم فرح و تغمض عينيها و بعدها انتهى الدكتور سامح.  
قال لها : خليكي مغمضة كده شوية و أي حاجة تشوفيها  
قوليلي عليها لم ترد فرح على كلمات الدكتور لأنها  
بدأت ترى من بين الظلام نقاط مشوشة و بدأت  
النقاط تتجمع لتري سيدة تجلس على ماكينة الخياطة  
و تقوم بتفصيل الملابس و يبدو عليها التعب والمشقة  
و هناك شابة مراهقة تقوم بالمزاكرة و تتمشى بداخل  
المنزل البسيط المتواضع و بعد ثوان توقفت الماكينة  
عن الحركة حتى بدأت السيدة الناضجة بمسك رأسها  
من شدة الألم ثم بدأت تتحسس يديها وربما الألم  
أصابهما أيضا و عندما رأت الفتاة المراهقة ما يحدث  
للسيدة تقول لها في قلق شديد.

الفتاه : ماما مالك يا ماما.  
الأم : هي رتيبة ما جاتش لسة؟.  
الفتاه : زمانها جاية.  
الأم : (بإعياء شديد) أنا قولتلها ما تتأخرش عشان أنا تعبانة  
و محتاجة الدوا.

الفتاه : أكيد فيه حاجة أخرتها في الكلية.

الأم : طب قومي يا هناء هاتيلي كوباية مية.

الفتاه : حاضر يا ماما.

خرجت هناك من الغرفة لتأتي لأمها بكأس الماء و قبل أن تعود كان باب الشقة المتواضعة تم فتحه بسرعة شديدة دخلت منه فتاة جميلة في العشرينات من عمرها تشبه كثيراً فرح المرأة الناضجة الفاقده للذاكرة.

الأم : انتي جيتي يا رتيبة.

رتيبة : أيوه يا ماما.. معلش سامحيني الزحمة أخرتني.

الأم : ناوليني الدواء يا بنتي أنا تعبانة أوي.

رتيبة : حاضر يا ماما.

تخرج رتيبه الدواء من العلبة و تقوم بإعطاءه لوالدتها التي بمجرد أن وضعته في فمها حتى كانت يد الأخت المراهقة تضع كأس الماء في فم الأم التي بدأت تسترخي شيئاً فشيئاً.

رتيبة : ماما أدخلني ريحي و أنا و هناء هانكمل الشغل.

الأم : حاضر يا ابنتي

تنهض الأم ببطء و تقوم هناء بمساعدتها أما رتيبة فقامت تكمل عمل والدتها في نشاط و كأنها تعلم ماذا تفعل؟.

جلست رتيبة تعمل على الماكينة ساعات و ولكن الصورة إنقطعت في مخيلة فرح بمجرد ما قال لها الدكتور سامح بمنتهى الحزم.

الدكتور سامح : كفايه كده النهاردة.

بدأت فرح تسترد قوتها شيئاً فشيئاً أما الدكتور سامح فجلس يدون بعض الملاحظات ثم نهض من الكرسي المجاور لمقعدها ثم إتجه إلى مكتبه.

قائلا : الجلسة اللي جاية هاتكون بكره في نفس المعاد.

انسحبت فرح من الغرفة بهدوء و في وجهها علامات الدهول وكأنها جاءت

من كوكب آخر و ما أن شاهدها الحاج شرف حتى قام بمسك يدها و  
مساعدتها على الخروج من العيادة.

obeyikan.com

## مواجهة المجهول

تستيقظ فرح و كأنها مذعور لتلقي نظرة سريعة على ساعة الحائط و ما أن اكتشفت بأنها الساعة السابعة صباحاً حتى نهضت من سريرها بسرعة و ما أن خرجت من غرفتها حتى وجدت الحاج شرف و زوجته الحاجة كريمة على المائدة يتناولوا الإفطار.

فرح : (وهي تتنهد من سرعة حركتها حتى وجدت ضالتها)  
الحمد لله إني لاقيتك يا بابا.

الحاج شرف : يا ابنتي اقعدى افطري مالك متلهوجه كده ليه؟  
المفروض تكوني بتستريحي دلوقتى بعد مجهود إمبراح.

فرح : (على إستحياء) معلىش أصلي كنت عايزه حضرتك في  
موضوع مهم.

الحاجة كريمة : يا ابنتي افطري وقبل ما يمشي أبو عصام هايقعد  
معاكي و تتكلمي معاه في كل حاجة.

تجلس فرح و تبدأ في تناول إفطارها في هدوء و بعد دقائق نهض كل من  
فرح و الحاج شرف و دخلا معا لغرفة الجلوس ليتحدثا في الموضوع الذي  
تريد فرح التحدث عنه.

فرح : أنا عارفه الموضوع ده ممكن يزعل حضرتك بس أنا  
شايفه إنو حاجة عادية و ما تزعلش.

الحاج شرف : موضوع إيه يا ابنتي.

فرح : مش عايزة أدخل في مقدمات كثيرة عشان ما تحسش

إني واحدة غريبة عشان كده عايزة أصارحك بحاجة  
كان نفسي أعملها من زمان.

- الحاج شرف : حاجة زي إيه؟  
فرح : أنا عايزة أنزل الشغل مع حضرتك من النهاردة.
- الحاج شرف : ليه يا ابنتي كده؟  
فرح : شوفت؟ مش قولتلك انك هاتزعل؟ الموضوع مالوش دعوه بالمصاريف بس أنا مش عايزة أقعد في البيت و يبقى النهاردة زي إمبراح زي بكرة أنا عايزة أختلط بالناس و أعرف الناس و الناس تعرفني يمكن ده يساعد في رجوع الذاكره ليا تاني.
- الحاج شرف : (ممازحاً فرح) تصدقي إنك أفنعتيني؟ كلامك مقدرش أقول قدامه حاجة.. ماشي بس بشرط.
- فرح : إيه هو؟  
الحاج شرف : لما تحسي بأي تعب ترجعي البيت على طول.
- فرح : حاضر يا بابا.. أنا هاروح أغير هدومي و أنزل معاك.  
تغادر فرح الغرفة لتدخل بعدها الحاجة كريمة و هي في حالة غضب
- الحاجة كريمة : إزاي يا أبو عصام تقبل بحاجة زي كده.  
الحاج شرف : يا أم عصام البنت عندها حق لازم تختلط بالناس عشان تفتكر طول ما هي قاعدة معاكي في البيت عمرها ما هاتفتكر حاجة.
- الحاجة كريمة : عمري ما ها اعرف أغلبك أبداً.  
الحاج شرف : يلا يا فرح أنا خارج.
- ظهرت فرح أمام الحاج شرف و الحاجة كريمة و هي ترتدي فستان أصفر محتشم ولكن أنيق.
- فرح : أنا جاهزه يا عمي.  
الحاج شرف : يلا بينا.

يغادر كل من فرح و الحاج شرف المنزل و الحاجة كريمة في حالة إستغراب شديد من سرعة هذا القرار الذي اتخذته فرح ثم تتدارك الموقف لتواصل عملها بالمنزل.

قام الحاج شرف بفتح باب المكتبة و في الخلفية فرح التي جلست تنظر في كل شيء مما حولها و على الجبهة الأخرى ظهرت سيارة جيب سوداء في من بعيد و ما أن توقفت حتى ركب بداخل السيارة رجل مجهول و دار بينه و بين قائد السيارة الحوار التالي.

- المجهول ١ : إيه الأخبار.
- المجهول ٢ : بعد الحادثة دخلت البيت ده و خرجت مرتين منهم.
- المجهول ١ : خرجت فين؟
- المجهول ٢ : أول مرة راحت لدكتور و ثاني مرة دلوقتي لما نزلت تشتغل في المكتبة.
- المجهول ١ : بص مش عايزين نضيع وقت مع الست دي.. الراجل الكبير عايز يخلص منها بسرعة.
- المجهول ٢ : أنا تحت أمر الباشا.
- المجهول ١ : هاتخلص إيمته؟.
- المجهول ٢ : الليلة لو حبيت.
- المجهول ١ : خلاص الليلة بس ما تنفذش العملية لوحدهك آه حكم الست دي مش سهلة.
- المجهول ٢ : ما تقلقش هاتموت من غير هى نفسها ما هتحس بحاجة.
- المجهول ١ : لو حصل كده الباشا هايرفع السعر.
- المجهول ٢ : أنا تحت أمر الباشا في أي حاجة.
- المجهول ١ : طب يلا إنزل و روح شوف هاتعمل إيه.

المجهول ٢ : ماشي يا باشا.

غادر المجهول السيارة ليجلس بداخل القهوة المواجهة لمكتبة الحاج شرف وبداخل المكتبة كانت فرح كانت تتعلم من الحاج شرف كل شيء و تدون ما يقوله في ورقة ولكن الحاج شرف بدأ يشعر بالتعب فجلس على أقرب كرسي أما فرح فهرولت مسرعة تأتي له بكأس من الماء لكي يتناول الدواء.

الحاج شرف : (بعد أن تناول الدواء) معلش يا ابنتي السكر بقه.

فرح : بابا دي أول مره تحس بأذك تعبنا كده.

الحاج شرف : لما بنسى أخذ العلاج بيحصل معايا كده.

فرح : خلاص يا بابا من هنا و رايح أنا اللي هاديك العلاج

بأديا.

الحاج شرف : تسلم إيدك يا ابنتي.

فرح : طب يلا نقوم نروح البيت ترتاح و نرجع تاني.

الحاج شرف : لا يا بنتي أنا هاقوم لوحدي الموضوع مش مستاهل

لما تخلصي ارجعي البيت عشان ترتاحي و تتغدي و

نطلع على الدكتور سامح.

فرح : حاضر يا بابا.

الحاج شرف : إمسكي ده المحمول بتاعي خليه معاكي عشان تطيبيني

على البيت أم عصام عندها محمول تقدر برضه

تكلميني عليه برضه كل الأرقام متسجلة على المحمول

اللي معاكي و دفتر التليفونات عليه برضه تليفون البيت

والمحمول بتاع أم عصام.

فرح : حاضر يا بابا.

الحاج شرف : مع السلامة يا ابنتي.

فرح : خللي بالك على نفسك يا بابا.

الحاج شرف : حاضر يا ابنتي.

و ما أن يخرج الحاج شرف حتى تبدأ فرح بالعمل في المكتبة و تبدأ في حفظ و أماكن الأدوات الدراسية و تبدأ في التعامل مع كل من يأتي إليها، عملت فرح بشغف و نشاط و سعادة فقد سرها التعامل مع الأطفال كما أنها سعدت بعملها الجديد و مرت الساعات سريعاً ولم تمل من وظيفتها الجديدة ولكنها شعرت بالنعاس الشديد و قبل أن تضع جسدها على أقرب كرسي إتصلت بها أم عصام لتخبرها عن ضرورة عودتها فقد تأخرت كثيراً عن موعد الغداء بل ساعات عمل المكتبة قد إنتهت فتنهت فرح لهذا الأمر و قامت بغلق المكتبة و اتجهت إلى المنزل سريعاً ولكن خطواتها بدأت في البطء شيئاً فشيئاً بسبب ظلام الحارة الضيقة و بمجرد وصولها إلى بوابة منزل الحاج شرف وجدت الظلام وصل لذروته فقامت باستخدام ضوء الهاتف المحمول لكي ترى مقبض البوابة النصف خشبية و النصف زجاجية و بمجرد دخولها للمنزل سمعت صوتاً من بين خيوط الظلام فشعرت بالخوف لبرهه فقامت بفتح وجهه واحدة من البوابة ليدخل بعض من الضوء لترى ما يحمله الظلام لها و بعد أن إلتفتت لتصعد على سلم المنزل وجدت رجلاً يحمل سكيناً فارتعدت من هذا المشهد فقررت مواجهة هذا الرجل قائلة

فرح : على فكره أنا مش معايا فلوس.

المجهول : (ضاحكاً) و مين قالك إني عايز منك فلوس

و ما أن أنهى جملته حتى هجم عليها ليغرس السكين في جسدها لكن قبل أن يصل إليها فاجتته بنثر التراب على وجهه و قبل أن يفتح عيناه قامت بجذبه و دفعه إلى الحائط ليرتطم رأسه بالحائط و تسقط السكين من يده من شدة الألم و قبل أن يفيق مما حدث له قامت بجذبه من يده و دفعته إلى البوابة الزجاجية فيرتطم بها و يتحطم الزجاج في وجه المجهول

و يسقط على الأرض و ما أن سقط على الأرض حتى خرجت سريعاً فرح  
من باب البوابة المفتوح و بدأت تركض مسرعة لا تعلم إلى أين تذهب؟

## خائفة

تركض فرح بلا وجهة محددة ركضاً سريعاً وقد إنتابتها مشاعر متعددة في نفس الوقت فالقلق لم يكن منفرداً بمشاعرها ولكنها شعرت بالخوف و التوتر و بعد دقائق طويلة من الركض أوصلتها أقدامها إلى عيادة الدكتور سامح و بمجرد دخولها من الباب توقفت للحظات حيث أدركت مكان وجودها ولكن الممرضة سألتها عن موعدها و إسمها ولكنها لم تكن في حاله تسمح لها سماع أحد لذلك بعد إنتهاء تلك اللحظات البسيطة أكملت ركضها تجاه غرفة الدكتور سامح و لحقت بها الممرضة و عندما دخلت فجأة على الدكتور سامح وجدته يتحدث إلى مريضة أخرى كانت جالسة على الكرسي المواجه له و بمجرد أن رأي فرح قال جملته في هدوء. الدكتور سامح : مدام سوسن حددي معاد الجلسة اللي جاية مع الممرضة بره.

ثم ينظر إلى الممرضة قائلاً في هدوء.

الدكتور سامح : حددي مع مدام سوسن معاد الجلسة اللي جاية.

ثم ينظر لفرح و على وجهه علامة إستفهام قائلاً.

الدكتور سامح : مالك يا رتيبة فيه إيه؟.

فرح : (بتوتر) أنا كنت هاتقتل من شوية.. كان فيه واحد

عايز يقتلني.

الدكتور سامح : شوفتي الراجل ده قبل كده؟

فرح : لا دي أول مره أشوفه فيها.

الدكتور سامح : اشربي كوباية المية دي و هدي نفسك و اتكلمي.

فرح : أنا خايفه أوي يا دكتور.  
الدكتور سامح : تخافي وأنا موجود؟ طب بلاش أنا الحاج شرف و  
الحاجة كريمة حواليكى و بيحبوكى و كل ده و لسة  
خايفه؟

تصمت فرح خجلآ من كلام الدكتور سامح لها.  
الدكتور سامح : استريحي هناك و أنا هاجيلك و معايا الحقنة.  
نهضت فرح و اتجهت للمقعد وهى شبه مترنحة و ما أن وصلت للمقعد  
حتى أقلت بجسدها بالكامل على المقعد  
الدكتور سامح : غمضي عينيكى وقوليلي على أي حاجه عايزه تتكلمي  
فيها.

فرح : (باكية) ماما؟  
الدكتور سامح : مالها ماما؟  
فرح : عيانة أوي.

بدأت الصورة السوداء أمام فرح تتضح لتتذكر واقعه محددة.  
وقفت رتيبة تراقب الطبيب وهو يقوم بالكشف على والدتها و أختها  
هنا على الجبهه الأخرى ممسكة بيد الأم التي وضع عليها الإعياء الشديد.  
رتيبة : (بقلق) ماما مالها يا دكتور.

الدكتور : إن شاء الله خير.  
قال جملته ثم غادر الغرفة فتوجهت رتيبة إلى الخارج خلفه تماما.  
رتيبة : طمني أرجوك يا دكتور.

الدكتور : ماما عندها إجهاد شديد ولو عايزين الموضوع ما  
يتطورش عن كده لازم تستريح فتره ما تقلش عن شهر  
رتيبة : حاضر يا دكتور هانشيلها على كفوف الراحة.

الدكتور : أنا هاكتبلها الفيتامينات دي عشان تساعد شوية

بس كل ده مع الراحة.

رتيبة : حاضر يا دكتور.

غادر الدكتور في هدوء تاركاً رتيبة في حيرة من أمرها و ما هي لحظات حتى جاءت خلفها أختها الصغرى و قد شعرت رتيبة بوجودها خلفها فالتفتت متسائلة.

رتيبة : محمد لسة ما رجعتش من المدرسة؟.

هناء : لا لسة.. الدكتور قال إيه؟.

رتيبة : (بلهجة حزينة) الدكتور عايز ماما تستريح.

هناء : (بلهجة متفائلة) خلاص أنا و انتي هانستغل على

المكنة لحد ما تقدر تقوم على رجليها تاني.

رتيبة : ده مش حل.

هناء : تقصدي إيه؟.

رتيبة : أنا هادور على شغلانة تانية ولو مؤقتة و انتي

هاتفضي على المكنة عشان نخلص الشغل اللي فاضل

عشان ما نخسرش العرايين و أنا هاكون بشتغل و انتي

هاتشتغلي على أدك لحد ما ماما تقدر تقوم تاني و أهو

شغلي مع شغلك انتي و ماما على الماكنة أهو هايرحنا

شوية.

هناء : طب و الجامعة امتحاناتك اللي قربت؟ انتي

بكالوريوس السنه دي.

رتيبة : أنا مذاكرة كويس يعني اللي فاتت تحصليل حاصل أنا

مش محتاجه غير المراجعة النهائية على اللي اتذاكر

يعني ما تخافيش إن شاء الله هانجح و أتخرج و

ألاقي شغل أحسن من اللي هادور عليه.

تشوشت الصورة أمام عيني فرح لترى أمام عينيها مشهد آخر.  
تقوم رتيبة بالوقوف أمام المرأة و هي تتحسس فستانها الجديد و فجأة  
تأتي فتاة أخرى

قائلة لها : يلا يا تيتي دورك جه فاتجھت رتيبة إلى خشبة المسرح  
وهي تعرض فستانها الأزرق المثير و بدأ التصفيق  
يشعرها بالسعادة و هي تخطو خطواتها بكل رشاقة  
وأناقة و بعد قليل غادرت خشبة المسرح لكي ترتدي  
فستاناً آخرأ و أثناء تغييرها للملابس في الغرفة  
المخصصة لذلك جاءت إليها امرأة متزينة بصورة مبالغ  
فيها.

قائله لها : مبسوة معانا يا تيتي  
رتيبة : (بسعادة) أوي أوي يا مدام.  
المدام : (ترفع حاجبيها) خلاص يبقى هاتسهري معانا بعد  
الحفلة.  
رتيبة : معلش يا مدام مش هاقدر.  
المدام : (بعبارة غاضبة) و بعدين يا رتيبة هو كل مره كده؟  
الكلام ده ما ينفعش.

رتيبة : (بقلق) طيب حاضر يا مدام سونيا هاجي الليلة دي.  
المدام : (بلهجة متعجرفة) إبقى تعالي مع البنات فاهمة ولا  
لا.

رتيبة : فاهمة يا مدام.  
تخرج مدام سونيا متوجهة إلى الصالة فيدعوها رجل بلحية و شعره طويل  
يرتدي ملابس لا تتناسب مع سنه أو حتى مع المكان ليقوم بتقبيل يد  
مدام سونيا قائلا لها بإعجاب شديد

- الرجل : وحشانا أوي يا مدام سونيا.
- مدام سونيا : فينك يا واد بقالك كثير مش باين.
- الرجل : مانتي بقالك كثير ما جبتيش بنات يصوروا معايا.
- مدام سونيا : اعمل إيه البنات اللي عندي مهاودين و شغالين نار.
- الرجل : ماشي يا سييتي مالناش في الطيب نصيب.
- مدام سونيا : عموماً عندي بنت مش عاجبها شغلنا و شكلي هابعتهالك.
- الرجل : آه و النبي يا مدام سونيا حكم السوق بقاله مدة بيتنشأ على نجمه جديده في عالم السينما.
- مدام سونيا : (ضاحكه) يخرب عقلك أنت بتسميها سينما.
- الرجل : أمال إيه ؟ سينما الواقع.
- فتتعالى ضحكاتهم عاليآ بينما لازال العرض للأزياء مستمرآ.
- تشوش الصورة من جديد و تظهر أمام عيني فرح صورة جديدة تجلس رتيبة في أحضان أختها هناء و أخيها الطفل الصغير محمد يجلس ويحتضن أخته الكبرى وهى تبكي و تنتحب بشدة.
- رتيبة : ما كنتش عارفه إن شغل الست دي كده.
- هناء : الحمد لله يا رتيبه إنها جت لحد كده.
- محمد : هى رتيبة بتعيط ليه ؟.
- فتقوم رتيبة بجذب أخيها و تحتضنه بشده قائله و في عينيها الدموع.
- رتيبة : أنا مش بعيط يا حبيبي البني آدم أحيانآ بيحتاج بعيط لما بيعرف حقيقة كانت غايبة عنه.
- هناء : (مستائلة) وهاتعملي إيه انتي كده بافتي من غير شغل.
- رتيبة : انتي نسييتي صاحبتنا (مشيرة إلى ماكينة الخياطة).

فتنهض متجهه إليها قائله جملتها و هي تتحسس الماكنة.  
رتيبة : الماكنة دي صاحبتنا و باقت واحدة مننا مش غريبة  
علينا عشان كده الشغل معاها أحسن من مليون  
شغلانة زي الشغلانة بتاعت مدام سونيا.  
و ما أن انتهت الجملة حتى غابت الصورة عن عيني فرح بمجرد ما سمعت  
صوت الدكتور سامح  
الدكتور سامح : كفاية لحد كده.  
قال جملته و نهض متجهاً لمكتبه وهو مشغولاً بتدوين ملاحظاتة على  
دفتره الصغير  
بينما فرح نهضت غاضبة من مقاطعة الدكتور.  
فرح : بس أنا لسة ما عرفتش الحقيقة.  
الدكتور سامح : ومين قالك إن كل زكريات مريض فقدان الذاكرة  
صحيحة أو إنها ممكن توصل للحقيقة.  
فرح : تقصد إيه يا دكتور؟  
الدكتور سامح : أقصد إن مريض فقدان الذاكرة مش كل زكرياته  
حقيقية أحياناً بتكون زكريات مختلقة.  
فرح : (وهي محبطة) يعني إيه؟ يعني كل اللي بفتكره  
دلوقتي مش حقيقي؟  
الدكتور سامح : (ممازحاً إياها) مش بالضرورة برضه ممكن تكون  
زكريات كذابة بس أنا عايزك تعرفي حاجة مهمة أوي  
إن انتي بتفتكري تاريخ حياتك يعني مدة كبيرة و  
طويلة جداً و بالتالي انتي محتاجة جلسات كتيرة  
عشان توصلي لأخر لحظة مرت عليكي قبل فقدان  
الذاكرة وهى الحادثة.

و ما أن أنهى جملته حتى رن جرس الهاتف المحمول الخاص بالحاج شرف  
الذي أعطاها إياه.

رتيبة : أيوه يا ماما.. معلش أصلي إضطريت أقعد في المحل  
لحد وقت الجلسة بتاعتي عند الدكتور سامح.. طيب  
حاضر أنا جاية.. مع السلامة.

تغلق الهاتف و هي تنظر للدكتور سامح ثم تبتسم له قائلة : أنا متشكرة  
ليك أوي يا دكتور.

الدكتور سامح : إيه رايحه على فين؟ أنا هاوصلك.  
رتيبة : و العيانيين.

الدكتور سامح : طبعاً مش هاسيبك تمشي بالليل لوحك ولو على  
العيانيين متخافيش هاوصلك و أرجع أكمل الشغل يلا  
بيننا.

تنهض فرح من الكرسي متجهة إلى الخارج بصحبة الدكتور سامح.  
بعد نفرتين علي باب شقه متواضعة الأثاث يقوم رجل مفتول العضلات  
شاب في الثلاثينات من عمره بالذهاب إلي فتح الباب وهو يخطو خطوات  
بطيئة و بعد أن وصل إلي باب الشقة يمد يده برفق حتي يفتح الباب  
لتظهر خلف الباب فرح و قد بدا علي وجهها علامات الغضب و بعد  
لحظات كلمح البرق تعرف عليها الرجل المجهول ثم أعطاها ظهره ليقول  
لها بتهكم : هو أنتي .. طب أدخلي أدخلي.

تدخل فرح إلي الشقة ولزالت علامات الغضب في وجهها ثم تلتفت لتغلق  
الباب ثم تضع حقيبة يدها علي أقرب طاولة تراها أمام عينيها وما لبثت  
أن وضعت الحقيبة إلا وأدخلت يديها برفق إلي الحقيبة لتخرج منها  
مسدس وبسرعة البرق تشهره في وجه الرجل المجهول قائلة بنبرة غاضبة  
شديدة قاسية : إنت دمرت حياتي ومستقبلي عشان كده لازم تموت

عشان أرتاح من الكابوس اللي انت عيشتني فيه طول  
الفترة اللي فاتت وما أن إنتهت من جملتها حتي  
إنطلقت عدة رصاصات من مسدسها.

تنهض فرح مستعيذه بالله من الشيطان الرجيم و بعد أن تماكنت أعصابها  
قائلة بتوتر شديد

فرح : أنا قتلته؟ أيوه قتلته.. عشان كده هم عايزين يقتلونني.

ثم تضع و جهها على الوسادة بعد أن غمرتها دموعها الغزيرة

## جريمة قتل

يفتح مقبض غرفة فرح بسرعة كبيرة لتظهر منه الحاجة كريمة و خلفها الحاج شرف و ما أن وجدا فرح تبكي حتي يقوم الحاج شرف بفتح مكبس ضوء الغرفة أما الحاجة كريمة تجلس بجوار فرح على السرير.  
الحاجة كريمة : (بحنان) مالك يا ابنتي كفى الله الشر.  
فرح : (باكية) أنا قتلت واحد يا ماما .. أنا قتلت واحد يا بابا.

ثم تعاود البكاء فيحن عليها الحاج شرف و يجلس بجوارها على الجهة الأخرى من السرير قائلاً.  
الحاج شرف : يا ابنتي مش يمكن يكون كابوس.  
فرح : طب لو كابوس الناس الي بتطاردي و عايزه تقتلني عايزين مني إيه؟

الحاج شرف : يا ابنتي ما يمكن ناس ولاد حرام انتي مش عارفة الدنيا ولا إيه ؟ الدنيا مليانة بلاوي من شياطين الإنس.  
الحاجة كريمة : يا ابنتي لو انتي وحشة ماكنوش عايزين يخلصوا منك الناس الكويسة في الزمن ده خلصوا ولو ظهر حد اليومين دول بيحاولوا يخلصوا منه.

تصمت فرح بدون أن تعلق على الرغم من أن كلمات الحاج شرف و الحاجة كريمة طمئننتها ولكنها لازالت قلقة  
الحاجة كريمة : يلا يا ابنتي استعيذي بالله من الشيطان الرجيم و

نامي.

فرح : حاضر يا ماما.

فتبدأ أم عصام بمساعدتها على النوم بينما أبو عصام ينسحب سريعاً من الغرفة وثم تلحق به أم عصام بعدما أغلقت باب الغرفة خلفها ليبدأ خلف الباب حوار لم تسمعه فرح لنومها سريعاً بعد أن إطمئنت قليلاً.

الحاج شرف : قبل ما تنام البنت حكيتلي كل حاجة.

الحاجة كريمة : حكيتلك إيه.

الحاج شرف : كان فيه ناس عايزة تقتلها ؟

الحاجة كريمة : يا خبر و بعدين ؟

الحاج شرف : البنت إسمها الحقيقي رتيبة.

الحاجة كريمة : هي افكرت ولا إيه؟

الحاج شرف : افكرت حاجات بسيطه بس الظاهر الموضوع مطول

و الناس دي مش هاتسبها في حالها.

الحاجة كريمة : و الحل

الحاج شرف : حاولي تقنعيها بالراحة بلاش موضوع المكتبة لو حتى

بكرة على الأقل عشان ترتاح شوية لحد معاد الجلسة

و بعد بكرة يحلها ألف حلال.

الحاجة كريمة : الحل عند ربنا وحده.

استلقت فرح أمام الدكتور سامح تتحدث عما دار في الحلم بأهمية شديدة

وتصف له وصفاً دقيقاً لكل صغيرة و كبيرة في الحلم.

الدكتور سامح : إيه اللي بيأكدك إنك قتلتني الراجل ده؟

فرح : ده أنا عارفة كل حاجه في المكان.. حاسة إني شوفتها

قبل كده

الدكتور سامح : مش كل حاجة بيقولها مريض فقدان الذاكره بتكون

صحيحة عشان كده لحد ما نعرف الحقيقة خيلنا  
نحاول نعرف كل حاجة و بعد كده على أساس  
المعلومات الحقيقة اللي عرفناها هانتصرف إتفقتنا؟  
فرح : إتفقتنا.

الدكتور سامح : ودلوقتي غمضي عنيني و حاولي تقولي أي حاجة.  
بدأت فرح تنظر بداخل خيوط الظلام التي أمامها لتظهر صورتها وهي  
تتحدث إلى الرجل الذي تعرفه مدام سونيا.

رتيبة : إعلانات؟ معقوله أنا هاشتغل في الإعلانات؟  
الرجل : آمال إيه ؟ واحدة في جمالك لازم تكون نجمة  
سينمائية.

رتيبة : أستاذ رامي بجد أنا مش مصدقة أنا حاسة كإني في  
حلم.

رامي : أحلامك بالنسبالي أوامر و بعد ما نمضي العقد بكرة  
هانصور الإعلان الأول إجهزي عشان ال ٣ تيام اللي  
جايبين هايبقى شغل طحن و هاتصور مش أقل من ١٠  
إعلانات مرة واحدة.

رتيبة : يا خبر.  
رامي : معلش هما كتير شوية بس الشهرة عايزة مجهود.  
رتيبة : لا طبعاً أنا مستعدة أعمل أي حاجة عشان أرضي  
حضرتك.

رامي : وهو ده المطلوب يا قمر.. يلا روعي دلوقتي عشان  
تريحي لأن بكرة عندنا شغل كتير.

رتيبة : أنا متشكرة جداً لحضرتك.  
رامي : لا شكر على واجب.

تغادر رتيبة الغرفة بينما يرفع رامى سماعة الهاتف ليقوم بعمل مكالمة تليفونية ثم يجيب الطرف الأخر.

رامى : عندي أخبار حلوة ليكي يا مدام سونيا الموزة وقعت في المصيدة.

ينهى جملته بضحكه شيطانة طويلة.

تتشوش الصورة في عيني فرح لتتذكر شيئاً جديداً فتبدأ الصورة تتضح من جديد.

تجلس رتيبة وسط أختها هناء و أخيها محمد والأم المريضة التي مازالت طريحة الفراش بينما رتيبة تستعرض ما حققتة وما هي لحظات حتى قاطعها جرس الباب فاتجهت هناء سريعاً لفتح الباب فظهرت خلفه فتاة جميلة شقراء وجهها متجهم بعض الشيء.

الفتاه : تيتي موجودة.

هناء : نقولها مين ؟

الفتاه : ساندي زميلتها في الشغل.

هناء : طب أنفضلي.

تدخل ساندي في هدوء من دون أن تتفوه بكلمة وبعد أن دخلت أخذت جولة صغيرة على المنزل المتواضع وقبل أن تكون فكرة كاملة عن محتويات المنزل كانت رتيبة قد أتت لترحب بها و تعرف ماذا تريد منها؟

رتيبة : أهلاً و سهلاً.

ساندي : أهلاً بيكي يا حبيبتي.

رتيبة : مالك واقفة كده ليه؟ اتفضلي استريحي.

ساندي : أنا جاية أقولك كميتين وهامشي على طول.

رتيبة : كلمتين إيه ؟

ساندي : بنصحك إن بعد ما تخلصي شغلك ما تشتغلش مع

الراجل اللي اسمه كريم ثاني خلصي العقد بتاع ال ١٠ إعلانات و خلاص  
على كده

رتيبة : ليه كده بس

ساندي : عشان بعد كده هايطلبك تقعدني معاه و هايحاول  
معاكي بالذوق أو بالعافية و في الحالتين هايصورك و يبتزك بالشريط اللي  
هايكون معاه و في الآخر هاتشتغلي مع مدام سونيا الشغلانة اللي انتي  
رفضتها زمان.

رتيبة : يا خبر.

ساندي : أنا حذرتك بس و النبي أوعي تقولي حاجه آه.

رتيبة : وانتي.

ساندي : مالكيش دعوة بيا أنا هامشي بقه مع السلامة يا  
حبييتي ربنا معاكي.

تغادر ساندي المكان بينما تجلس رتيبة على الكرسي بهدوء تفكر فيما  
يحدث و عن فرصة العمر التي ضاعت.

oboiikan.com

## اعتقال

ترقد السيدة الجميلة الشقراء في نومها بداخل غرفة فاخرة و كأنها قطعة أثرية مرتديه أفخر الملابس و أغلاها ثمناً تمايلت ذات اليمين و ذات اليسار ولم تستطع الستائر القائمة من حجب نور الشمس الذي بلغ ذروتة وبعد دقائق قامت الخادمة بفتح باب الغرفة في هدوء و قد أتت بالإفطار لسيدتها الثرية و بعد عدة خطوات وضعت ما بيدها على الطاولة ثم ذهبت لفتح الستائر و ما هي إلا ثوان وقد قامت السيدة الناضجة من النوم في نشاط و هي تبتسم قائلة.

السيدة : صباح الخير يا دادا.

الخادمة : صباح الخير يا مدام.

السيدة : الساعه باقت كام دلوقت.

الخادمة : إحنا باقينا العصر.

السيدة : يا خبر.

وما أن أنهت جملتها حتى إتجهت إلى دورة المياه لتغسل وجهها وبعد دقائق عادت لتجلس و تتناول إفطارها.

السيدة : الأولاد رجعوا من الجامعة.

الخادمة : أيوه يا مدام و اتغدوا و خرجوا على طول.

السيدة : الشغل في مجلس الشعب و الشركة أخذني منهم خالص.

الخادمة : و البيه كمان يا مدام ما بقاش بيشوفك ولا انتي بتشوفية.

السيدة : معايا صفقه مهمة جداً و لصالحى و لصالح كل

الشركات اللي في البلد أخلصها وساعتها هاسيب الشغل  
خالص و أفضى للبيت.

الخدامة : ياريت يا مدام.  
السيدة : يلا شيلي الصينية.  
الخدامة : انتي ما اكلتيش.  
السيدة : لا الحمد لله أنا شبعت.  
الخدامة : أمرك يا مدام.

قامت الخدامة بحمل طاولة الإفطار الصغيرة إلى الخارج بما فيها من ما  
تبقى من الطعام أما السيدة الشقراء فذهبت لتتأمل جسدها الجميل أما  
المرأة ولحظات مرت ليقطع عليها خلوتها رنين الهاتف المحمول لتذهب  
و تجيب المتصل.

السيدة : الو  
المتصل : إزيك يا رتيبة.  
السيدة : (بتردد) رتيبة مين؟ إنت أكيد غلطان.  
المتصل : (ساخرآ) لا مش غلطان أنا عارف أنا متصل بمين.  
تصمت السيدة لبرهه لتستمع للمتصل.

المتصل : ولا تحبي أقولك يا تيتي هانم أحسن؟.  
السيدة : إنت عايز إيه بالظبط.  
المتصل : عايز أقولك اني عارف كل حاجة.  
السيدة : عارف إيه ؟  
المتصل : عارف تيتي هانم كانت إيه و باقت إيه.  
السيدة : أنا متأسفة إني أقولك إن النمرة غلط.  
المتصل : يا تمارا هانم أنا معايا السي دي.  
السيدة : سي دي إيه؟

- المتصل : هو زمان كانت الحاجات دي بتتسجل على شرايط فيديو بس التكنولوجيا دلوقتي خلت كل حاجة تطور و الشريط بقى سي دي.
- السيدة : وضح أكثر.
- المتصل : يوه إحنا هانستهبل ولا إيه.
- السيدة : إنت إنسان وقح و قليل الأدب ولو ما قولتش إنت عايز إيه هاقفل السماعة فوراً.
- المتصل : شكلك مش هاتصديقي إلا لما أبعثلك السي دي تشوفيه بنفسك و تشوفي جسمك الجميل ده وهو.
- السيدة : اسمع اوعي تفكر إنك تهددني و أوعي تفكر تتصل بالرقم ده تاني مع السلامة.
- ثم تغلق الخط وهى تحاول أن تتمالك أعصابها من شدة الموقف الذي مرت به، تنهض متجهة إلى المرأة و هي تنظر إلى نفسها ثم تضع يديها على وجهها مرتعدة مما حدث و كأن هذا الأمر لن يمر مرور الكرام في نفسها التي تأثرت تأثيراً بليغاً.
- الدكتور سامح : فرح بصيلي هنا.
- تتشبت الصورة أمام عيني فرح التي بدأت تستعيد قوتها في نشاط و سعادة فنهضت قائلة.
- فرح : (بسعادة) أنا دلوقتي عرفت أنا مين.
- الدكتور سامح : أنا إبتديت أخاف عليكي.
- فرح : (بذهول) ليه ؟
- الدكتور سامح : عشان شخصيتك الحقيقية تمارا هانم سيدة الأعمال المعروفة وعضوة مجلس الشعب.
- فرح : و إيه المشكلة في كده.

الدكتور سامح : معناها إن أعدائك كثير و منافسينك برضه كثير و بالتأكيد إن هما اللي عاوزين يقتلوكي يا فرح.

ثم يصمت قليلاً ليفكر.

الدكتور سامح : أنا مش من المفروض أقولك الكلام ده لأني طبيب و بس لكن أنا قدامي إنسانة تانية غير تمارا إنسانة تحولت بسبب مرض فقدان الذاكرة إلى ملاك عشان كده إضطريت أقولك الحقيقة حرصاً و خوفاً عليكي إن حينئذ للإستقرار و لأسرتك الحقيقية ينسبكي حقيقة مهمة إنك لسة ما تعرفيش مين اللي عايز يقتلك و كمان إيه اللي حصل قبل الحادثة.

فرح : طب المفروض إني أعمل إيه دلوقتي.

الدكتور سامح : أنا شايف إن تمارا بعد الصراعات اللي عاشتها كانت محتاج لفترة النقاهة دي و كان الحل مرض فقدان الذاكرة.. أحياناً العقل البشري بيختار مرض معين يخفف عنه متاعبه.. امممم.. عموماً خليني أوصلك للبيت و إحنا في الطريق هانكمل كلامنا.

يمد الدكتور سامح يده لفرح لكي تخرج معه فتنهض من مكانها و هي ممسكة بيده بقوة، يغادران سوياً العيادة و هما يتبادلان الأحاديث أما فرح كل يبدو منها ضحكات خافته خجولة.

يدخل الرجل المجهول الذي حاول الهجوم على فرح إلى نفس السيارة الجيب السوداء ليتقابل مع الرجل الذي تحدث معه من قبل.

المجهول ٢ : يخرب عقلك إيه اللي عورك كده.

المجهول ١ : اللي ما تتسمى.

المجهول ٢ : أنا مش قولتلك ما تعملش العملية دي لوحذك؟.

- المجهول ١ : أهو اللي حصل بقه.
- المجهول ٢ : بقولك إيه انت مهمتك انتهت الباشا الكبير النهاردة  
هايخلص منها.
- المجهول ١ : إزاي؟
- المجهول ٢ : مالكش دعوه بس النهاردة مش بكرة هانخلص منها  
على طول.
- المجهول ١ : صحيح الوليه دي طلعت قادره لكن الباشا طلع ما  
يقدر عليه إلا ربنا.  
تتعالى منهما ضحكات شيطانيه طويلة  
مر الوقت سريعاً دون أن تشعر فرح بوصولها إلى باب المنزل وبرفقتها  
الدكتور سامح الذي بدا على عكس ما كان عليه في عيادته من برودة  
المشاعر والأحاسيس حتى تعابير الوجه التي تخلت عن حذرها و حرصها  
عن التعبير و أصبحت تظهر كل مشاعره الدفينة  
فرح : ياه إحنا وصلنا بسرعة.
- الدكتور سامح : أوقات السعادة في حياة الإنسان قليلة عشان كده  
حاولي تستغلي كل وقتك في إسعاد نفسك.
- فرح : (برقة) حاضر يا دكتور.. ممكن أضرب الجرس.
- الدكتور سامح : آه أكيد إتفضلي.
- و ما أن قرعت الباب حتى فتحتة لها الحاجة كريمة و قد بدا عليها معالم  
الحزن و هي تقول  
الحاجة كريمة : إدخلي يا ابنتي فيه ناس عايزينك جوه.
- فرح : (بذهول) ناس مين؟
- قالت جملتها و دخلت خلف الحاجة كريمة لتجد منزل الحاج شرف يضج  
بوجود رجال الشرطة ليتقدم منها أكبرهم سنآ و مقامآ قائلآ.

الظابط : مدام تمارا تسمحي تتفضلي معنا.

فرح : (بذهول) أتفضل معاكم فين؟

ولكن قبل أن يجيها الظابط كان قد أشار للعساكر بوضع القيود على يديها وقدا بدأ العساكر يقودونها إلى الخارج.

فرح : بابا، دكتور سامح أنا عملت إيه؟

قالت جملتها الأخيره قبل أن تغادر منزل الحاج شرف.

## محكمة

ظهرت فرح برفقة عساكر الحراسة في قاعة المحكمة للنطق بالحكم في قضية لا تعلم عنها شيئاً لذلك بان عليها الإندهاش الشديد و الذهول مما يحدث و قبل أن تبدأ تدرك ما هي عليه و وجودها خلف القضبان وجدت رجلاً ضخماً يشارب يتجة إليها ليحدثها قائلاً

الرجل : تمارا أنا مش هاسيبك أنتي بريئة و هاتطعلي براءة وقبل أن تتفوه بكلمة واحدة إتجه إليه الدكتور سامح قائلاً له.

الدكتور سامح : أرجوك يا فندم ممكن أتكلم معاك على إنفراد.  
الرجل : (وكأنه لم يستمع للدكتور سامح) تمارا انتي ساكتة ليه أنا حسين جوزك.

الكلمه وقعت كالصاعقة عليها و بدأت تحدث نفسها بصوت عالي.  
فرح : جوزي.. أنا معرفش حضرتك قبل كده أنا أول مرة أشوف حضرتك.

الدكتور سامح : (بعصبية) إنت ما بتسمعش الكلام ليه تعالى بقه. ومجرد إنتهاء عبارة يقوم بجذب الرجل من يده بعيدا عن القضبان و في هذه الأثناء يقترب كل من الحاج شرف و الحاجة كريمة أمام قفص الإتهام.  
الحاجة كريمة : إن شاء الله براءة.

الحاج شرف : مش وقته يا كريمة.. إتطمني يا ابنتي إحنا معاكي مش هانسبيك مهما حصل.

فرح : أنا عارفة يا بابا و أسفة إني بهدلتكم معايا من إمبراح.

ثم ترد ساخرة

فرح : الظاهر إن تمارا ولا رتيبة كانوا عاملين بلاوي وجه

الوقت إني أدفع التمن.

الحاج شرف : يا بنتي الحقيقة لسة ما ظهرتش إستني لحد ما  
الحقيقة تبان وساعتها هاتستريحي.

فرح : يا رب يا بابا.

ثم توجه كلماتها إلى الحاجة كريمة

فرح : إدعيلي يا ماما.

الحاجة كريمة : والله بدعيلك أكثر من ابنتي بنت بطني و هادعيلك  
من دلوقتي لحد ما يجي القاضي و يدريك البراءة.

و قبل أن تنهى جملتها جاء الحاجب ليقول جملة الشهرية (محكمة).  
ظهر القاضي و المستشارين ليجلسوا على مقاعدهم و ما هي ثواني حتى  
قال القاضي.

القاضي : حكمت المحكمة على رتيبة كمال عبد القادر بتحويل  
أوراقها إلى فضيلة المفتي.

تصيح الحاجة الكريمة بعلو صوتها

الحاجة كريمة : ظلم والله العظيم ظلم حسبي الله و نعم الوكيل.  
الحاج شرف : يا ناس الست دي مظلومة حرام عليكم.

أما فرح الذهول لم يأخذ منها سواء ثوان حتى قادها العسكري إلى خارج  
القاعة.

في هذه الأثناء يعود الدكتور سامح برفقة زوج تمارا قائلا للحاج شرف و  
الحاجة كريمة

الدكتور سامح : ما تقلقوش فيه إستئناف إن شاء الله و الحقيقة  
هاتبان و أكيد خلال الفترة دي الذكرة هاتكون  
رجعتلها و هاتقدر تدافع عن نفسها.

زوج تمارا : دي مراتي و مش هاسيها لوحدها كل ده ظلم و افترا

و أنا هاقوم أكبر محامين

الحاجة كريمة : آه والنبي يا ابني حاكم البنية محتاجالنا كلنا دلوقتي.

يأتي المحامي ليلتف حول الجمع قائلًا لهم

المحامي : أنا هاقدم طلب إستئناف الحكم و انتوا اطلعوا معاها

ورا عربية التحيلات ما تسيبوهاش لوحدها

الدكتور سامح : طيب يلا يا جماعة

يخرج الجميع تاركًا قاعة المحكمة التي كانت شاهداً على الكثير من

الأحداث.

قادت السجانة تمارا إلى داخل السجن و ربما اعتادت فرح على اسم تمارا

من كثرة إعادة هذا الإسم أمامها فقبلت به اسما رضخت للأمر الواقع

ولمصيبرها القادم في السجن، أفكار كثيرة دارت في ذهنها جعلتها شاردة

الذهن ولكن صوت باب الزنزانة هو ما جعلها تنبه من بعد شرود طويل،

دخلت تمارا مع السجانة وقد أشارت لها لمكان سريرها و دون أن تتحدث

إلى أحد ذهبت في هدوء لتحتلي هذا السرير وقد غلبها النوم سريعاً بعد

أيام شاقه مرت عليها.

توقفت السيارة المرسيدس الحمراء ليفتح باب السيارة و يظهر منه حذاء

أسود عالي الكعب ثم يفتتح الباب بشكل أكبر من قبل رجل يرتدي بدلة

حيث قام بفتح باب السيارة الثمينة على مصراعيه فهبطت تمارا من

السيارة بكامل حلتها و أنافتها فقد ارتدت فستاناً أزرق اللون محتشم

بعض الشيء خطت بخطوات رشيقة واثقة على البساط الأحمر إلى داخل

الفندق و ما هي إلا لحظات قليلة حتى أصبحت بداخل الحفل الخيري

الذي يضج برجال الأعمال و سيدات الأعمال و قبل أن تلتفت لترى أي

أحد تعرفه كان النادل يقدم لها المشروب من عصير الأناناس و كأنه يعرف

تماماً ما هو المشروب المفضل لديها ؟ بدأت تمارا تتجرع الكأس بشفاها

الريقة و ما هي إلا ثوان معدودة حتى همس أذنها صوت يقول لها

المجهول : إزيك يا رتيبة

فالتفت في استغراب شديد من ما سمعته

تمارا : إنت مين؟

المجهول : أنا اللي كلمتك في التليفون.

تمارا : و عايز إيه ياللي كلمتني في التليفون؟

المجهول : عايزك زي زمان تيتي بتاعت زمان.

وقبل أن ينهي جملة ففاجئة بصفعة قوية على وجهه، ظل ثوان وهو لا يدري ماذا يقول؟

وقبل أن يفيق من صدمته كان حراس السيدة تمارا أحاطوا بها فقالت ساخرة دون أن تلتفت إليهم.

تمارا : ما فيش حاجة هو هايسيب المكان بمزاجه مش غصب عنه.

ثم تنظر إليه بنظرة تحذيرية

تمارا : ولا إيه يا

ف يرتعد الرجل خوفا مما حدث له و ينسحب مسرعا للخارج فتبتسم السيدة تمارا و تعود لما كانت عليه و كأن لم يحدث أي شيء خلال الدقائق الماضية.

بدأ سير تمارا بداخل الزنزانة يهتز بشده فاستيقزت تمارا من نومها نتيجة الضوضاء الشديدة حولها فوجدت باب الزنزانة مدمر تماما من الخارج والسجينات تخرجن بسرعة و قبل أن تدرك ما يحدث حولها وجدت جدار الزنزانة ينشق لتجد البلدوزر يدخل الزنزانة ليخرج مره أخرى بعدما فتحت الزنزانة من كل اتجاه فنضهت تمارا مسرعة إلى الخارج لتجد جدران السجن محطمة بالكامل وحاله كبيرة من الشتات في كل مكان

و قبل أن تفكر في ماذا عليها أن تفعل؟ قررت الخروج مسرعة إلى خارج السجن فأسرت بخطواتها إلى أن أصبحت خارج السجن و ماهى إلا ثوان و شعرت بيد تمتد إليها لتجذبها لتدخل إلى سيارة جيب بيضاء و قبل أن تفكر في الصراخ قد وجدت اليد التي جذبتها للداخل كانت يد الدكتور سامح شكري.

تمارا : (بسعادة) دكتور سامح أنت عرفت إزاي إن السجن بيتهد.

الدكتور سامح : الفنون الفضائية كلها جايبة اللي بيحصل في السجن على الهوا فا كلمت الأخ ده على طول و جينا على هنا  
تمارا : مين الأستاذ ؟

الدكتور سامح : هو هايعرفك بنفسه

الرجل : أنا محمد أخوكي الصغير يا تمارا

تمارا : (غير قادره على الإجابة)

شعرت تمارا بعجزها لأنها لا تستطيع أن تقول لأخيها بأنها لا تتذكره و بعد لحظات صامتة قرر محمد أن يواصل حديثه لها

محمد : أنا عارف إنك مش فاكرة حاجة و هايجي يوم و نقعد وأحكيلك أخبار الشركة و الشغل إيه.

وقبل أن تجيب تمارا بشيء قرر الدكتور سامح أن ينهي حيرتها

الدكتور سامح : محمد إطلع بينا على طريق مصر إسكندرية الصحراوي.

محمد : ليه ؟

الدكتور سامح : تيتي هاتقعد معايا في مستشفى الدكتور رياض عز الدين.

محمد : بس أنا عايز أخذها على المزرعة.

الدكتور سامح : المستشفى مستحيل حد هاي فكر إنها هناك خصوصاً  
إن الناس إياها دلوقتي أكيد عرفوا إنها هربت من  
السجن وهاي حاولوا يقتلوا ده غير البوليس اللي  
هاي قلب الدنيا عليها و المزرعة أكيد مكان هاي جي  
يوم و يفكروا فيه حتى لو مكان مش معروف لكن  
المستشفى ما حدش هاي فكر إن حد هاي دخلها بمزاجه  
ولا إيه ؟

محمد : معاك حق يا دكتور  
الدكتور سامح : أهم حاجة تيتي تكون مقتنعة  
تمارا : (رسمت على وجهها بسمة الرضا) مقتنعة يا دكتور  
سامح

قالت جملتها ثم بدأت تنظر إلى نافذة السيارة إلى مصر الجميلة  
أمسكت تمارا بخرطوم المياه لتروي نباتات حديقة المستشفى وأدت عملها  
بمنتهى النشاط و أثناء إستغراقها في العمل فاجئها صوت من الخلف كان  
صوت الدكتور سامح مماًزحاً لها

الدكتور سامح : يا حضرة الجنائني لو سمحت إروي الحتة اللي هناك.  
فالتفتت تمارا و هي تضحك قائله في مرح

تمارا : طب لم نفسك أحسن ما أرشك بالخرطوم.  
الدكتور سامح : خلاص أنا هاستنى في الطرابيزة اللي هناك لما  
تخلص حصلي على هناك.

تمارا : من عينيا يا بيه  
إنتهت تمارا من عملها و لحقت بالدكتور سامح لتجلس معه على طاولة  
وسط حديقة المستشفى

تمارا : (تقول جملتها و هي تجلس على الكرسي المواجه

للدكتور سامح) أنا جيت أهو قوللي بقه كنت فين  
الفترة اللي فاتت.

الدكتور سامح : سبتك تستريحي من بعد الفترة اللي فاتت

تمارا : أنا افكرت حاجه يا دكتور

الدكتور سامح : حاجة إيه ؟

تمارا : أنا شوفت الرجل اللي بيهديني أكثر من مرة منهم

مرة أنا ضربتة على وشه قدام الناس في حفلة الجمعية  
الخيرية

الدكتور سامح : تمارا أنا مضطر أصارحك بإننا لازم ندخل مرحلة

جديدة من العلاج لأنك للأسف ما تقدرش تختفي  
مدة طويلة و كمان لازم نعرف إنك بريئة ولا لا من  
جريمة القتل عشان على الأقل تقدري لوحك تكتشفي  
كل الغموض اللي حواليك و برضه الذاكرة هاترجع  
لوحدها

تمارا : هانعمل إيه ؟

الدكتور سامح : فيه ضيوف لازم أخليكي تشوفهم.

تمارا : ضيوف مين ؟

الدكتور سامح : قبل ما تعرفي هما مين لازم تعرفي إن في حياة تمارا

نقط سوده من ضمنها الضيوف اللي هاتقابلهم  
دلوقتي.. على قد ما تمارا كانت بتحب أمها و أسرتها  
على قد ما كانت شايقة إن أولادها حاجز بينها و بين  
طموحها فركزت أكثر على الشغل و دخلت أولادها  
مدرسة داخلية و لما إخرجوا منها بعد الثانويه تقريباً  
مش بيشوفوها ولا كأنها عايشة معاهم كل اهتمامها

في الشغل و البنس و السياسة و الزوج و حتى الزوج  
آخر فتره بقى مش من أولوياتها أنا بقولك الكلام ده  
عشان أنا عندي أمل كبير إن تمارا الجديده تصلح اللي  
أفسدته تمارا القديمة.

تمارا : الأولاد فين

الدكتور سامح : انتي عندك ولد إسمه هشام و بنت إسمها رانيا  
أرجوكي عاملهمم كويس هما برغم قسوتك معاهم  
لسة بيحبوكي.

تمارا : أرجوك أنا عايزة أشوفهم

ينهض الدكتور سامح ليغيب عن تمارا بضع ثوان و يعود و معه شاب و  
شابة في سن المراهقة

تمارا : (مشيرة إليهم) تعالوا.. تعالوا يا حبايبي

يركض كل من الشاب و الفتاة نحو تمارا و تبدأ تمارا في تقبيلهم و إحتضانهم  
قائلة

تمارا : وحشتوني أوي يا حبايبي

هشام : انتي اللي وحشتينا أوي يا ماما

تمارا : معلش يا حبايبي ماما كانت غايبة عنكم سنين طويلة  
بس خلاص هاترجعلكم تاني.

رانيا : ماما ليه كنتي بتبعدينا عنك طول السنين اللي فاتت

تمارا : عشان ماما كانت عيانة و كانت خايفة تموت و تزعلوا  
عليها و خصوصاً و إنتوا متعلقين بيها

هشام : ماما حضرتك عيانة بمرض خطير؟

تمارا : أبوة حبيبي أنا كنت عيانة بس أنا قربت أخف و  
قريب أوي هبقى دايمآ معاكم مش هاسيبيكم أبدأ

رانيا : بس يا ماما دي مستشفى أمراض نفسية  
 تمّارا : أيوه يا حبيبتى عشان ماما عندها حالة نفسية جاتلها  
 الفتره اللي فاتت و كان لازم أتعالج هنا بس إن شاء  
 الله هبقى كويس و كل شيء هايرجع زي ما كان.  
 هشام : هاترجعي البيت إمتة يا ماما  
 تمّارا : قريب أوي يا حبيبي  
 الدكتور سامح : كفاية أسئلة يا أولاد ماما تعبانة معلش إتفضلوا و  
 هابقي كمان كام يوم أجيبكم معايا مرة ثانية.  
 رانيا : بس إحنا لسة ما شعبناش من ماما.  
 تمّارا : بكرة هارجع البيت و مش هانسيب بعض أبدأ.  
 تحتضن تمّارا أبنائها ثم يقبلونها و يغادران المكان و الدموع قد بدت  
 عليهما.  
 تنظر تمّارا إلى الدكتور سامح و الدموع في عينيها قائلة  
 تمّارا : إضطريت أكذب كدبه بيضا عشان أصلح اللي افسدته  
 تمّارا بتاعت زمان  
 الدكتور سامح : و أنا مقدر اللي انتي عملتية.. تحبي نكمل جلسة  
 النهاردة ولا كفاية كده النهاردة  
 تمّارا : يا دكتور سامح أنا بعد كل جلسة بحس حمل جبال  
 راح من فوق كتافي بعد الشوية اللي فاتوا حسيت جبل  
 جديد إنضاف للجبال اللي على كتافي أرجوك أنا محتاجه  
 لجلسة النهاردة ضروري.  
 الدكتور سامح : طيب إتفضلي فوق.  
 تغادر تمّارا مع الدكتور سامح الحديقة متجهان إلى داخل المستشفى.

obseikan.com

## السي دي

جلست تمارا مستلقية أمام الدكتور سامح الذي كان جالساً بجوارها ممسكاً بصورة في يده كل هذا و لحظات الصمت لم تنتهي بعد ولكنه قرر أن ينهي تلك اللحظات الصامتة قائلاً

الدكتور سامح : (وهو يعطيها الصورة) شوفتي الست دي قبل كده؟.

تمارا : أيوة دي ساندي صاحبتني.

الدكتور سامح : إيه اللي حصل بعد ما سابتك في بيت أهلك.

تمارا : مش فاكرة كثير.. آه لا فاكرة أنا عارفة كل حاجة عنها

سرهما كلة كان معايا

الدكتور سامح : سر إيه ؟

تمارا : ساندي كانت يتيمة و فقيرة و كانت بتصرف على

إخواتها و تقريباً ظروف زي ظروفها الفقر و الأب اللي

مات و الماكنه اللي كان لازم تفضل دايره عشان البيت

يفضل مفتوح أهو ساندي كانت لازم تفضل شغالة مع

مدام سونيا عشان بيتها يفضل مفتوح و في نفس.

الوقت حميتني منها ووو

ثم تصمت تمارا و تتذكر شيئاً مهماً

الدكتور سامح : و إيه سكتي ليه

تمارا : بعد ما باقيت تيتي هانم كنت بصرف عليها عشان ما

تشتغلش مع مدام سونيا.

الدكتور سامح : أيوة و بعدين

تتذكر تمارا نفسها بداخل غرفتها و هي تتزين من أجل اجتماع هام ولكن

قبل أن تنهض رن هاتفها الجوال فذهبت لتبحث عنه فوجدته على فراشها  
ثم أمسكت به و قامت بالرد قائلة

تمارا : ألو.

الطرف الثاني : إزيك يا تيتي.

تمارا : مين معايا.

الطرف الثاني : أنا اللي ضربتية في الحفلة .

تمارا : هو احنا مش هانخلص من الموضوع ده بقه.

المجهول : نخلص ؟ هو إحنا لسة ابتدينا ؟

تمارا : ما تجيب من الآخر إنت عايز إيه ؟

المجهول : ولا أي حاجة شوية كده الخدمة هاتدخل عليكي و في

أيديها السي دي إياه.

و ما أن أنهى جملة حتى تم نقر باب غرفتها فأجابت

تمارا : أدخل

تدخل الخادمة و في يدها علبة تحتوي على سي دي مكتوب عليه إلى تيتي

هانم قامت تمرة بأخذها بيد مرتعشة و هي غير مصدقة ما تراه في يدها

الخادمة : الاسطوانة دي لاقيتها على الباب و مكتوب عليها إلى

تيتي هانم قولت أجيبيها لحضرتك.

تمارا : (محاولة أن تتمالك أعصابها) متشكرة يا دادا سيبيني

لوحدي لو سمحتي

تخرج الخادمة في صمت بينما تمارا قررت مواصلة حديثها مع الرجل

المجهول قائلة

تمارا : السي دي وصل.

المجهول : ما تتفرجي عليه.

تمارا : إنت جبته مين؟

- المجهول : جيبته من مكان ما جيبته.  
تمارا : إنت عايز إيه بالضبط؟.  
المجهول : هابقى أقولك لما نتقابل.  
تمارا : إنت فاكِر إن الموضوع ده هايطول؟.  
المجهول : (ساخراً) لا ده هايطول و هايطول إسمعى الكلام مش  
هاينفع في التليفون إحنا لازم نتقابل عموماً أسيبك  
تتفرجى على الفيلم أتمنالكَ سهرة ممتعة.  
يغلق الخط تاركاً تمارا في حيرة من أمرها ولا تدري ماذا تفعل ؟

obseikan.com

## اختطاف

يدور مقبض الباب ببطء فيفتح ببطء ليظهر خلفه رجل و امرأة يتبادلان القبل و اتجها سريعاً إلى غرفة النوم دون أن يحاولا إيذاء الغرفة و بعد لحظات معدودة تم فتح مصباح للإضاءة ليضيء جزء من الغرفة ولكن لم يشعرا بهذا الضوء فاضطر من قام بإضاءة المصباح للتحدث

تمارا : (تتحدث وهي جالسة على كرسي فخم بجانب المصباح) أظن كفايه بقه لحد كده.

فتتفض كل من الشاب و الفتاه ليعرفا من صاحبة الصوت.

تمارا : إيه يا ساندي مين ده ؟.

ساندي : جوزي.

تنهض تمارا لتقف أمامهما مباشرة قائلة

تمارا : فين ورقة الجواز.

ساندي : أهيه.

تلتقطها تمارا و هي تتمعن قراءتها

تمارا : جواز عرفي.. أممم أخرت صبرك جواز عرفي؟

ساندي : تقصدي إيه ؟

تمارا : انتي تخرسي خالص.

ثم تنظر إلى الشاب قائلة

تمارا : إنت مش عندك لسان.. (بصراخ) ما تتكلم.

الشاب : أنا.. أنا.

تمارا : (مبتسمة) إنت ما تقولش حاجه إنت بكرة هاتجيب

المأذون و تكتب الكتاب إنت فاهم وله لا ؟

- الشاب : فاهم فاهم.. (يصمت قليلاً ثم يقول) طب و أهلي  
الي لسة ما يعرفوش حاجة ؟
- تمارا : واللهي دي مشكلتك مش مشكلتي و دلوقتي قوم  
حضر نفسك عشان بكرة تيجي و معاك المأذون ثم  
تصمت قليلاً بينما الشاب لا يتفوه بكلمة فتفاجئه  
قائلة
- تمارا : إنت هاتفرج عليه كتير ولا إيه؟ (بصراخ) يلا.  
فينهض الشاب تاركاً الغرفة بسرعة و ما أن خرج حتى عادت تمارا إلى  
الكرسي المجاور للمصباح و كأنها تملأ أوامرها على سانديز  
ساندي : انتي عايزة إيه مني.. بتصرفي عليا ماشي لكن مش من  
حقك كل اللي بتعمليه ده.
- تمارا : طب اسكتي اسكتي اديكي طلعتي مني بفايده أهو  
هاجيبلك المأذون بدل ما كان أتسلى بيكي شوية و  
قطع الورقة.
- ساندي : ممكن بقه ما تدخليش في حياتي.  
تمارا : (مغيرة للموضوع) السي دي يا ساندي ظهر من تاني.  
ساندي : سي دي إيه ؟.  
تمارا : إحنا هانستعبط هو فيه سي دي غيره؟  
ساندي : ظهر إزاي ؟.  
تمارا : فيه واحد بيهددني.  
ساندي : و عايز منك إيه؟  
تمارا : لسة ما قالش شكله هايطلب مبلغ كبير.  
ساندي : إيدله كل اللي هو عايزه.  
تمارا : انتي ناسيه إن الزفت كريم كان عامل نسخ كتير من

الشريط القديم ؟

: آه فعلاً.. طب هاتعملي إيه؟

ساندي

تمارا : كريم انتحر في السجن بعد الفضيحة الكبيرة اللي حصلت جوا بيته و خلصنا منه و الشرايط البوليس صادرها يبقى إزاي الشريط اتنقل على سي دي؟ و مافيش غيري أنا و انتي اللي يعرف بالموضوع ده يبقى مين الشخص التالت اللي يعرف السر ؟ مش عارفه بجد.

ساندي :

تتجه تمارا إلى باب الغرفة و قالت جملتها قبل أن تغادر  
تمارا : نامي كويس عشان المأذون جاي بكره الصبح مع العريس تصبى على خير.

لم تنتظر تمارا الرد من ساندي و خرجت سريعاً لتحاول الحصول على الإجابة على سؤالها من أين حصل الرجل المجهول على السي دي ؟ عادت تمارا من عشاء عمل و هي منهكة و قبل أن تفكر في خلع ملابسها رن هاتفها الجوال فقامت بفتح حقيبتها لتجد الهاتف بداخله فقامت بالرد قائلة.

تمارا : ألو.

المجهول : ازيك يا تيتي هانم.

تمارا : إنت تاني؟.

المجهول : تاني و تالت و رابع.

تمارا : نعم عايز إيه تاني؟.

المجهول : عايزك تسمعى صوت حد تعرفيه كويس.

صوت امرأة : تمارا زي ما قدرتي على كريم و دمرتي حياته دمري

الراجل ده

المجهول : إخرسي يا فاجرة.. بقولك إيه يا تمارا عارفة مين دي؟  
دي ساندي صاحبتك و حبيبتك ؟ إيه رايك أقتل ساندي دلوقتي عشان  
أقرص ودنك شوية ؟

تمارا : ساندي ساندي حرام عليك عايز ليه تقتلها ؟ تقتلها  
ليه ؟

المجهول : عايزك تجيني راعه يا وسخة  
تمارا : إيه علاقتها باللي بيني و بينك؟ اللي بيني و بينك هى  
مالهاش دعوه بيه أرجوك سييها.

المجهول : أنا هاقتلها عشان تجيني راعحة على ركبك.  
تمارا : لا حرام عليك ما تقتلهاش أرجوك إسمعني بس  
خليني أفهمك.

وقبل أن تتم تمارا كلماتها تسمع صوت طلقات رصاص مصاحبة لصراخ  
ساندي

تمارا : قتلها.. قتلها.. المجرم.  
ثم قذفت الهاتف الجوال في وجه المرأة فتحطت  
بينما تمارا تروي ما حدث و تستعيد ذكرياتها كانت تبكي بشدة على  
ساندي قائلة

تمارا : ساندي ماتت بسببي و ما قدرتش أحميها، كل فلوسي  
وكل نفوذى ما قدروش يحموها من المجرم ده.  
الدكتور سامح : أنا كنت عايز أخليكي تقابلي ضيف بس ما أعتقدى إن  
حالتك مش هاتسمح عشان كده بقول بكرة الضيف  
هايقابلك.

قال الدكتور سامح كلماته بينما ظلت تمارا تبكي رحيل صديقتها بهذه  
الصورة المفجعة.

## التمن

جلست تمارا في حديقة المستشفى تتناول فنجان الشاي و هي تتأمل الزهور و الأشجار فكانت روحها المعنوية مرتفعة حيث قد شعرت بتحسن كبير في ذاكرتها و قد استعادت خلال لحظات ما مرت به من وقت الحادث الرهيب الذي كاد يؤدي بحياتها مروراً بمحاولة القتل التي تعرضت لها ثم المحاكمة و السجن و الهروب وصولاً إلى مستشفى الأمراض العقلية كل هذا لا شيء مقارنة بما حدث لها قبل فقدان الذاكرة فقد أيقنت تمارا بأنها فضلت البنس و المنصب السياسي على حياتها العائلية و بأنها كانت أنانية و أمامها الأول مسؤولية كبيرة و هي إصلاح ما أفسدت تمارا ما قبل الحادث و قبل أن تصل لحل جذري لكل هذا كان الدكتور سامح قد جلس أمامها و بدأ يحدثها.

الدكتور سامح : (مبتسماً) إزيك يا تيتي.

تمارا : أنا كويسه الحمد لله.

الدكتور سامح : النهاردة احتمال كبير تكون آخر جلسة.

تمارا : (باندهاش) آخر جلسة ؟

الدكتور سامح : إنتي خلاص خفيتي و أفكرتي تقريباً كل حاجة و

عشان كده جلسة النهاردة هاتحدد لو فيه جلسة جاية

وله لا ؟ بس قبل الجلسة اللي جايه أنا معايا ضيف

لازم تشوفيه.

تمارا : ضيف ؟ ضيف مين ؟

الدكتور سامح : الراجل اللي اشتغلتي عنده بعد ما سييتي كريم

و مدام سونيا و قررتي تشتغلي أي شغلانة بس المهم  
شغلانة شريفة، إشتغلتي وقتها سكرتيرة لرجل الأعمال  
حسين كامل و لإهتمامك بيه و إخلاصك له و للشغل  
إتجوزك ، في الأول كانت تمارا الزوجة المثالية بعد كده  
إتحولت لإنسانة أنانية ما بتفكرش غير في نفسها و  
بس كانت علاقتها بزوجها محدودة و مع ذلك الراجل  
العظيم ده فضل بيحب الست دي و يبساعدها في كل  
شيء و عمره ما إتخلى عنها لكن تمارا نسيتته زي ما  
نسيت أولادها.

تمارا : ممكن أشوفه؟

و ما أن أنهت جملتها حتى إقترب حسين شيئا فشيئا من الطاولة التي  
جلست عليها تمارا مع الدكتور حسين فنهضت تمارا لتحتضن زوجها الذي  
أحبه بكل كيانه ولكن المال حولها إلى امرأة أنانية لا تنظر إلى المحيطين  
بها بل تنظر إلى نفسها فقط

تمارا : (باكية) سامحني يا حسين أرجوك سامحني أنا استاهل  
أي حاجه ممكن تعملها في.

حسين : مافيش بين الراجل و مرارة سماح انتي مراتي و  
حبييتي و عمري ما أزعل منك.

تمارا : أنا لو عشت عمري كله عشانك مش كفاية عشان  
أوفيك حقك عليا.

حسين : العشاق عمرهم ما بيفكروا في الأخد و العطا اللي  
بيحب بيدي بدون مقابل وأنا حبيتك و عمري ما  
استنيب مقابل لحبي.

تمارا : (محتضنة زوجها) يا حبيبي يا حسين.

الدكتور سامح : (مقاطعاً المشهد الرومانسي ما بين الزوجين) أنا هاسيبكم لوحكم و لما تنتهى الزيارة أنا في العيادة فوق عشان هانكمل معاد الجلسة.

تمارا : حاضر يا دكتور.

غادر الدكتور سامح بينما ظلت تمارا تحاول إسترضاء زوجها الذي شعرت بتأنيب ضمير كبير تجاه ما فعلته قديماً من نكران للجميل .  
نقرت تمارا باب مكتب الدكتور سامح قائلة بوجه بشوش.

تمارا : ممكن أدخل؟.

الدكتور سامح : آه إتفضلي.

و بدون مقدمات ذهبت لتسترخي في المقعد المجاور للمكتبة فقام الدكتور بالمجيء إليها قائلاً

الدكتور سامح : انتي فاكرة حصل إيه قبل الحادثه؟

أغمضت تمارا عينيها لتستعيد ذكرياتها عن يوم أليم من حياتها وقد روت تفاصيل ما حدث في ذلك اليوم بصورة كاملة

يدق جرس الباب بينما الرجل المجهول جالس على أريكة ممزقة يشاهد التلفزيون مرتدياً نصف بيجامة يعلوها قميص ممزق وعلى ما يبدو بأنه غير مكترث لصوت الجرس الذي بدأ يدق بشكل متكرر مما دفع الطارق خلف الباب إلى طرق الباب باليد مما إستفز الرجل فنهض ليفتح الباب بخطوات بطيئة حتى وصل الباب وقام بفتحه ليظهر من خلفه تمارا.

تمارا : (بسخرية) إيه نايم على ودانك ولا قاصدها عشان تغيظني.

الرجل : (بلا إكتراث) إنتي عايزة إيه.

تتجه تمارا إلى طاولة الطعام لتضع عليها حقيبة قامت بفتحها لتظهر ما بداخلها من نقود كثيرة

تمارا : دول مليون جنيه وده آخر ما عندي أنا مش هادفع  
مليم واحد بعد كده.

الرجل : ومين قالك إني عايز فلوس

تمارا : أمال إنت عايز إيه؟

الرجل : عايزك إنتي.. عايزك ترجعى زي زمان

تمارا : إنت لازم إتجننت

الرجل : ليه؟ ده حتى العز اللي إنتي فيه مش لايق عليكي

ياسلام بقه لو جربتني معايا

تمارا : تعرف إني ممكن أخليك تندم على الكلمه اللي إنت

قولتها؟

الرجل : عارف مانتي تيتي هانم اللي كل الأبواب مفتوحة

قدامها و كل الناس بتركع قدامها وأنا مستعد أركع

عشان نفسي فيكي

فيقوم بجذبها من خصرها حيث بدأت يداه تتحسس جسدها ولكن

بسرعة البرق تأتي بأقرب شيء أمامها وتكسره فوق رأسه فيسقط على

الأرض.

تمارا : (وهي مضطربة) إنت عارف أنا ممكن أعمل فيك

إيه؟ أنا بإشاره واحده مني ممكن ما يبقالكش وجود

في الدنيا.

الرجل : وأهون عليكي.

وما أنهى جملته حتى نهض وحاول الهجوم عليها ولكن فاجئته بضربة

أسفل بطنه

تمارا : إسمع إنت ما قدامكش حل ثاني يا الفلوس يا الموت

إنت فاهم ولا لا.

الرجل

: (وهو على الأرض متألماً من أثار الضربة القوية قال  
جملته وهو يجزعلى أسنانه من الألم) وإنتي ما  
قدماكيش إلا حل واحد وهو إنك تسيبي جوزك وإلا  
هابعت السي دي اللي معايا لجوزك ولا بلاش عشان  
ممكن يسامحك انا هابعته لكل عضو من أعضاء  
مجلس الشعب عشان يعرفوا سيده المجتمع الراقي  
كانت إيه وبقت إيه؟

تمارا

: تهديك مش هاخوفني وأكيد فيه طريقة هالاقياها  
عشان أخلص منك.

وما أن أنهت جملتها حتى خرجت من الباب مسرعة بينما ظل الرجل على  
الأرض متألماً.

جلست تمارا تبكي بشدة بداخل سيارتها المرسيديس الحمراء وبعد لحظات  
من الصمت إستعادت قواها من جديد قائلة في عبارة كلها إصرار وتحدي  
تمارا : لازم أواجه جوزي.. لازم يعرف اللي عمره ما حبي  
عرفه عني.. يا يعيش معايا يا يسبني.. وجع ساعة ولا  
كل ساعة.

ثم تقوم بتشغيل سيارتها وفي عيناها بريق الإصرار على شيء ما  
تدخل تمارا إلى غرفة مكتب زوجها حاملة في يدها إسطوانة سي دي بينما  
زوجها منهمكاً في العمل و يكاد لا يشعر بوجودها بالغرفة بدأت تقترب  
تمارا من المكتب شيئاً فشيئاً حتى وصلت للجهة المقابلة لزوجها تماماً ثم  
وضعت أسطوانة السي دي على المكتب.

تمارا

: حسين.. ممكن نتكلم شوية؟

فيضع نظارته على المكتب ثم يرافع رأسه لكي يعرف ماذا يحدث ؟

حسين

: مش شايفاني مشغول.

تمارا : (بعضية) لحد إمته هافضل أنا اللي متحملة  
المسؤولية لوحدي ما تحس بيا بقه.

فينهض حسين ببطء ليقف مواجهاً لزوجته

حسين : تيتي أنتي عارف إن ورايا مسؤوليات كتيرة.

تمارا : بس أنا تعبت و ما باقيتش قادرة أستحمل أكثر من  
كده.

فيقترب منها ليحتضنها قائلاً

حسين : مالك فيه إيه يا حبيبتني

تمسك تمارا بوجه زوجها قائلة

تمارا : بعد شوية مش هابقى حبيبتك

حسين : ليه ؟

تتركه تمارا مبتعدة عنه بعد أن قامت بأخذ الأسطوانة من فوق المكتب و  
أتجهت إلى شاشة التلفزيون لتضع إسطوانة السي دي في جهاز التشغيل  
و ما هي ثواني حتى جلس حسين على الأريكة المقابلة للتلفاز وهو مذهول  
مما يشاهده أمامه

ولكن تمارا لازالت واقفه و الأريكة خلفها ولازالت تشاهد الفيلم.

تمارا : هو ده الماضي اللي كان لازم من زمان تعرفه.

ثم تلتفت إليه بينما هو وضع رأسه بين كفيه ولكن تمارا أحببت أن تكمل  
تمارا : عرفت دلوقتي أنا كنت إيه.

فتستفزه العبارة ليقوم بصفعها ولكن تمارا لم تهتز من الصفعة بل واصلت  
حديثها قائلة

تمارا : و دلوقتي أنا عرفت أنا في نظرك إيه بعد ما ضربتني.

ثم تخرج تمارا في هدوء من المكتب بعدما جلس حسين على الأريكة يفكر  
تدخل تمارا غرفتها ثم تبدأ بوضع حقيبتها فوق السرير لتخرج ملابسها و

أثناء إنهماكها في ذلك يدخل زوجها إلى الغرفة محاولاً منعها

حسين : انتي بتعملي كده ليه ؟

تمارا : بعمل اللي كان لازم أعمله من سنين.

ثم تنظر إلى عيناه و هي تبكي لتكمل حديثها.

تمارا : أي واحدة إتعمل فيها الجميل اللي انت عملته معايا

كان لازم تشكر جوزها و كام سنة و تسيبه عشان ترجع لشغلتها الأولانية  
أو حتى على الأقل لو كانت محترمة زبي كانت إنفصلت في هدوء بس

الظاهر أنا نسيت نفسي و حلمت بحلم مش من حقي أحلمه

حسين : لا يا تيتي أنا حبيتك كل اللي أنا فيه دلوقتي إنتي اللي

عملته تفتكري واحده تانية هاتعوضني عن حبي

ليكي كل الحب ده

تمارا : عصر الحب إنتهى و بقينا في عصر الفلوس و الجنس..

إنساني يا حسين و سيبني أواجه مصيري.

حسين : مش هاسمحللك تسيبيني انتي فاهمة ولا لا.

تضع تمارا شنطتها على الأرض ثم تجلس على السرير و كل وجهها عباره  
عن تعابير عن قلة الحيلة.

تمارا : أنا فيه واحد بيهددني و مش عارفه أعمل معاه إيه

بجد أنا تعبت.

حسين : خليني أقابله

تمارا : مقابلتك ليه مش هاتجيب أي نتيجة الراجل عايز

يوصل السي دي لأعضاء مجلس الشعب و برغم إني

عرضت عليه مليون جنيه بس هو مصر يعني كلامك

معاه مامنوش فايده.

حسين : و الحل؟

تمارا : لازم حد يضحى.

حسين : وليه لازم حد يضحى؟.

تمارا : عشان كل شيء وله تمن و كل شئ وله آخر.. أنا خلاص أخذت كل حاجة.. و كفاية عليا لحد كده.. أرجوك سييني أمشي.

تقوم تمارا بحمل حقيبتها ولكن حسين يمسك يدها بضعف ولكن تمارا تصر على الخروج و ما أن خرجت حتى قام حسين بتحطيم المرأة التي أمامه. بعد نقرتين علي باب الشقة المتواضعة الأثاث يقوم الرجل المجهول بالذهاب إلي فتح الباب وهو يخطو خطوات بطيئة وبعد أن وصل إلي باب الشقة يمد يده برفق حتي يفتح الباب لتظهر خلف الباب تمارا وقد بدا على وجهها علامات الغضب وبعد لحظات صمت بينهما أعطائها ظهره ليقول لها بتهكم

الرجل المجهول : هو أنتي.. طب أدخلي أدخلي.

تدخل تمارا إلي الشقة ولازالت علامات الغضب في وجهها ثم تلتفت لتغلق الباب ثم تضع حقيبة يدها علي أقرب طاولة تراها أمام عينيها وما لبثت أن وضعت الحقيبة إلا وأدخلت يديها برفق إلي الحقيبة لتخرج منها مسدس وبسرعة البرق تشهره في وجه الرجل المجهول قائلة بنبرة غاضبة شديدة قاسية

تمارا : إنت دمرت حياتي ومستقبلي عشان كده لازم تموت عشان أرتاح من الكابوس اللي انت عيشتني فيه طول الفترة اللي فاتت وما أن إنتهت من جملتها حتي إنطلقت عدة رصاصات من مسدسها.

أصابت الرصاصات عدة إتجاهات في الشقة ولكن لم تصيب الرجل المجهول الذي ارتعد قليلاً فقال بغضب شديد

الرجل المجهول : انتي إتجننتي ولا إيه؟

تمارا : (بسخرية و بصوت مرتفع) إتجننت؟ هو إنت لسة شوفت جنان؟ إنت لو تعرف أنا ناويالك على إيه كنت إترجنتي عشان ما أعملش اللي عايزة أعمله معاك. و نظرت إليه بنظرة ثاقبة و ائقة فحاول أن يتحدث معها ليهدئها ولكن بلا فائدة.

الرجل المجهول : طب ما نتكلم.

تمارا : (بعصبية) الكلام هايجي لوحده أنا هاضربك رصاصة في كتفك و هاقفل الباب علينا يا تقول إنت مين و عايز إيه يا هسيبك تنزف و تموت و انت عارف أنا مين و ممكن أعمل كده و مش هاخذ فيك ولا يوم واحد سجن عارف ليه؟

الرجل : (وهو يرتعد) ما توديش نفسك في داهية

تمارا : لا يا بابا منا هاقول للبوليس إن إنت كنت بتهددني بالسي دي عشان تغتصبني ولما ما قدرتش استحمل الإبتزاز جريت على شنطتي و ضربتك بالرصاص و طبعاً الرصاصة في الكتف ما تموتش يعني هايبقى قتل خطأ يعني طالعه منها طالعه منها

ثم تكمل حديثها بمنتهى القوة

تمارا : هاه هاتوفر عليا و عليك كل الفيلم ده ولا تقولي بالذوق إنت عايز إيه ؟

الرجل : خلاص هاقول هاقول.. أنا إداني السي دي ده ال و قبل أن ينهي جملته حتى تم إطلاق رصاص عشوائي في جميع أرجاء الحجره فانبطحت تمارا إلى الأرض بينما معظم الرصاصات كانت مستهدفة

الرجل الذي بدأ يرتجف بسبب الرصاصات التي اخترقت كل مكان في جسده و ما أن بدأ الشخص الذي قام بقتل الرجل في الشقة أن يحاول إطلاق الرصاص عليها حتى بدأت تبادل إطلاق الرصاص حتى وصلت إلى باب الشقة فقامت بالخروج فوراً من الشقة بينما الرصاص لم يتركها أيضاً فركضت تماراً بأقصى سرعة حتى وصلت إلى سيارتها و لحق بها رجال مجهولون الذين قاموا بقيادة السيارات الجيب لمطاردها و قتلها بأي ثمن روت تماراً روايتها و هى تبكي بشدة ثم نظرت للدكتور سامح قائلة  
تمارا : أنا بريئة يا دكتور أنا ما قتلتش حد.

الدكتور سامح : الحمد لله يا تمارا انتي مش بس طلعتي بريئة انتي كمان كسيتي عيلتك و الناس اللي بيحبوكي بعد ما كنتي بدأتي تخسريهم.. كفاية كدة النهاردة انتي خفيتي يا تمارا.

استمعت تماراً لكلمات الدكتور سامح و هى تبكي بسبب الظلم الذي وقع عليها و إحساسها بالبراءة

## صفحة الموت

أشرفت الشمس فأضاءت غرفة تمارا في المستشفى ولكنها ظلت نائمة من شدة الإرهاق العصبي الذي مرت به ليلة أمس بعد جلسة علاجها الأخيرة وبعد لحظات قرع الباب قرعتين لتقول بعدها تمارا بصوت خافت من شدة الإرهاق.

تمارا : أدخل.

يفتح الباب ليظهر الدكتور سامح وهو مبتسماً حاملاً معه باقة من الزهور قائلاً لها بهرح

الدكتور سامح : صباح الخير.. إزاي الحال النهاردة.

تنهض تمارا لتضع ظهرها على خلفية الفراش

تمارا : (وهي مبتسمة) صباح النور يا دكتور.

يتقدم الدكتور سامح ليجلس بجانب الفراش وهو يعطيها باقة الزهور قائلاً

الدكتور سامح : حمد الله ع السلامة يا مدام تمارا.

تمارا : الله يسلمك يا دكتور.. إيه خلاص هاخرج؟

الدكتور سامح : أيوه هاتخرجي بس قبل ما تخرجي لازم تقابلي ضيوف لازم يشوفوكي.

تمارا : مين يا دكتور ؟

الدكتور سامح : كمان شوية هاقولك بس الأول عشان دي آخر مرة نقعد مع بعض فيها لازم أسألك كام سؤال و بعدها هاخليكي تقابلي الضيوف.

تمارا : أسئلة إيه ؟

- الدكتور سامح : ساندي إتقتلت ليه ؟
- تمارا : (في حيره) مش عارفة ؟
- الدكتور سامح : أنا مش شايف سبب مقنع لقتلها ؟
- تمارا : أتوقع السبب الرئيسي ورا قتلها بإنها الشاهدة الوحيدة على السي دي بإنه متفبرك و عارفه بإني بريئة.
- الدكتور سامح : احتمال بس مش احتمال كبير عايزك تفكري في الموضوع ده عشان تعرفي توصلي للقائل الفعلي.
- تمارا : فعلاً الراجل اللي كان بيهددني كان مجرد أداة في إيد حد تاني.
- الدكتور سامح : لما كنتي في الشقة و ظهر عليكي القاتل و حاول يضربك بالرصاص و كان عايز يقتلك ليه كان عايز يتخلص منك؟ وليه لما خرج وراكي بالعربية و لحقت بيه كزا عربية تانية و طاردوكي ليه ما حاولوش يضربوا رصاصة واحدة؟
- تمارا : أتوقع إن فيه حد هو اللي مخططلهم كل حاجة عشان جوا الشقة لو كانوا قتلوني كانوا ممكن يخلوها بتبادل إطلاق الرصاص بيني و بين الراجل اللي بيهددني على أساس إنني أنا وهو قتلنا بعض و السي دي هو الدافع و في نفس الوقت الراجل اللي كان عايز يقوللي كل حاجة هايسكت و أنا اللي كنت الهدف الأساسي برضه ها يكونوا خلصوا مني.
- تمارا : ثم تصمت قليلاً لتفكر ثم تعود لمواصلة حديثها قائلة  
هما ما ضربوش عليا رصاصة واحده عشان أكثر من حاجة منهم إن الناس دول أذكيا جءآ عشان أول مرة

كانوا عايزينها تبادل إطلاق النار و هما بره الموضوع  
خالص و المرة الثانية كانت هاتبقى حادثة عادية  
يعني اللي سلط الناس دي عشان تقتلني كان عايز  
يبقى بعيد عن مستوى الشبهات.

الدكتور سامح : تدبير محكم.

ثم تتذكر تمارا شيئاً فانهض ممسكة الدكتور من سترته بقوه قائله بلهجة  
شديدة القلق.

تمارا : الصفقة.. صفقة الموت.. أنا لازم أخرج فوراً

الدكتور سامح : صفقة إيه ؟ مالك يا تمارا.

تمارا : مافيش وقت.. لازم أخرج.

ثم تنظر إلى الدكتور سامح قائلة وهى عينها مفتوحتان على أخرهما.

تمارا : النهاردة كام في الشهر؟

الدكتور سامح : ٢٠ أغسطس.

تمارا : (تتنفس الصعداء) الحمد لله.. يارب لك الحمد.

الدكتور سامح : أنا مش فاهم حاجه!.

تمارا : فيه صفقة و توقيع عقود هايتم بكره الموافق ٢١

أغسطس الصفقة دي مهمه جداً لشغلي.

الدكتور سامح : أرجوكي وضحني أكثر.

تمارا : الصفقة دي أنا سميتها بصفقة الموت عشان الصفقة

دي فيها رقاب هاتطير و ناس هاتخرج برة السوق.

الدكتور سامح : أنا مش فاهم برضه أي حاجه للقلق اللي انتي فيه ده

تمارا : أنا و عماد المحلاوي أكبر شركتين في سوق المقاولات

خصوصاً في مصر بس هو من ساعت ما بقى وزير

وكل الشركات المحلية والي بنستورد منها بتبعلنا

مواد البناء بأسعار خيالية عشان كده أسعار العقارات في مصر ولعت و المكسب بالنسبانا قليل لكن هو بيكسب مكاسب خيالية و حاولنا كثير مع شركات تانية برة إنها تتعامل معنا كانت بتفرض التعامل معنا خوفاً منه و لعلاقاته و أخيراً قدرنا نعمل صفقة كبيرة هاتجيب المواد اللي إحنا طالبينها بنفس الأسعار اللي بيشتري بيها عماد المحلاوي و كمان ها يأمنوا البضاعة و الصفقة بكل حاجة عشان توصل سليمة

الدكتور سامح : عشان كده مستعجلة على الخروج ؟  
تمارا : أصل إنت مش عارف الصفقة دي لو ما تمتش إيه اللي ها يحصل ؟

الدكتور سامح : ها يحصل إيه ؟  
تمارا : دي هاتطير فيها رقاب و عماد المحلاوي محدش بعد كده هايقدر يقف قصاده.

الدكتور سامح : رقاب؟! رقاب إيه؟! تقصدي إيه بالكلام ده؟!  
تمارا : طبعاً مش عايزة أظلم حد بس سوق البنزس قذر وأسمع عن عماد المحلاوي إن له أعمال قذرة منها القتل و المخدرات و غسيل الأموال.

الدكتور سامح : يعني الراجل ده ممكن يقتل أي حد يقف في طريقة؟  
تمارا : آه طبعاً و عشان يكون عبرة لغيره في السوق.  
الدكتور سامح : للدرجه دي شغلكم قذر.

تمارا : حتى تمارا نفسها ما سلمتتش من القذاره كفاية إنها أول ما باقت تيتي هانم غيرت إسمها من رتيبة إلى تمارا و إتكرت لماضيها مع إن لولا رتيبة البنت المحبة

لأهلها المكافحة ما كانتش بقت حاجة مهمة و ما  
كانش راجل غني و ناجح زي حسين بيه إتجوزها كل  
ده إترمی من عقلها في ثانية لمجرد إنها بقت حاجة  
الدكتور سامح : انتي ناوية على إيه دلوقتي.

تمارا : تقصد إيه.

الدكتور سامح : بعد ما تخرجي.

تمارا : هاحاول أصلح اللي أفسدته تمارا بأنانيتها و جشعها و  
أول حاجة هاعملها هاقول للناس تقولي يا رتيبة و  
هارجع زي زمان رتيبة البنت العادية.

الدكتور سامح : بس الموضوع مش سهل خصوصاً لما ترجعي الشغل.  
تمارا : الكلام ده كان زمان النهاردة فرح علمت رتيبة حاجات  
كثير و صعب جداً تتغير للأوحش.

الدكتور سامح : طب أنا هاسيبك تجهزي نفسك و لما تخلصي الضيوف  
مستنيينك تحت.

تمارا : حاضر يا دكتور مش هاتأخر

يغادر الدكتور سامح تمارا التي ذهب لتحضر منشفتها لتذهب بعد ذلك  
لدورة المياه إستعداداً لضيوفها و للخروج من المستشفى

obseikan.com

## الماضي يعود

هبطت تمارا وهي تقفز على الدرج متشوقا لمعرفة من هم زوارها الجدد ربما يكون الحاج شرف و الحاجة كريمة حيث أن مر وقت طويل منذ أن رأتهم آخر مرة ولكن بمجرد وصولها حديقة المستشفى وجدت نفس السيدة الحزينة الهادئة وجدتها و على شفاهها بسمه تخفي وهن الماضي المرير إنها أمها أما الزائر الثاني فكان الطفل الذي لم يعيش لحظات الخوف و الشقاء مثل باقى الأسرة إنه محمد الذي أصبح رجلاً راشداً يعمل مع تمارا في شركاتها و يعينها في عملها أما الزائر الثالث فكانت هناء الفتاة اليافعة التي أعطت لكل أسرتها الأمل في تحقيق شيء يوماً ما إنها أسرة رتيبة التي كافحت و صبرت و وقفت بجانب إبنتهم الكبرى لتصبح سيدة أعمال مرموقة و لها مركز سياسي تحسد عليه إنهم السبب الرئيسي خلف هذا النجاح الذي حققته ولولا التربية الصالحة لهذه الأم لما تكونت شخصية رتيبة كل هذه الأفكار دارت في ذهن تمارا بمجرد أن رأت أسرتها حيث مرت الثوان كأنها سنوات وهي تتذكر كل تلك الذكريات و ما أن اقتربت من والدتها حتى إرتمت في حضنها

تمارا : (باكية) ماما.. ماما يا أحن أم في الدنيا ربنا ما يحرميني منك أبداً.

الأم : (مبتسمة) وما يحرميني منك يا أحن بنت هناء : إيه يا تمارا انتي مش شايقة حد تاني هنا ولا إيه. تمارا : أنسي؟ أنتى أختى و حبيبتي تعالي في حضني يا هناء. تحتضن أختها ثم تنظر إلى أخيها محمد قائلة

- تمارا : تعالیٰ یا حمادہ فی حزن اُختک .
- محمد : حمادۃ ایہ هو انا لسة صغیر .
- تمارا : هاتفضل طول عمرک فی عینی صغیر و فی قلبی کبیر .
- یبتسم محمد لیقترّب من اُخته و یحتضنها بشغف .
- الأم : ربنا ما یحرمننا من بعض اُبدأ .
- تمارا : أمین یارب العالمین.. ماما ارجوکی تسامحینی .
- الأم : علی ایہ بس یا بنتی؟
- تمارا : لو شغلی اُخذنی منکم فی یوم من الايام .
- الأم : انتی عمرک ما نسیتینا ده اول ما ربنا فتحها علیکی فتحتیلی مشغل و عملتیلی مصنع ملابس بعد کده و کل ما ربنا یرزقک کنتی ما بتتأخیش علینا بحاجة .
- محمد : حتی الاصحاب و المعارف عمرک ما نسیتهم بحاجة .
- تمارا : (تصیح متذکرۃ شیئا) ساندي یا محمد ! إخوانها بتوصلهم الشهرية ؟
- محمد : آه طبعاً الشهرية عمرها ما إتقطعت عن کل حبابیک .
- تمارا : الحمد لله یا رب .
- الأم : ربنا ما یقطعک عادة یا بنتی .
- هناء : إحم إحم نحن هنا .
- تمارا : (مبتسمة) أنا عارفة یا هناء إنک عایزة تقعدی معایا وتتکلمي معایا کثیر زی زمان اوعدک هاخرج من المستشفی و نقعد مع بعض و ننبسط زی زمان .
- هناء : یا حبیبتی یا اُختی ربنا ما یحرمني منك اُبدأ .
- تمارا : ولا منك یا قمر.. یا اُختی کمیلة لازم بقه تتجوزی ولا هاتفضلی کده قاعدة من غیر جواز .

- هنا : بعد حادثة خطيبي مش بفكر في الموضوع ده لو جاني حد كويس هاتجوزه.
- تمارا : العريس موجود
- هنا : (متفاجئة) مش فاهمة ؟
- تمارا : عريسك عندي أنا عاشرت أهله و عرفتهم وهما ناس زينا على قد حالاتهم.
- الأم : بس إحنا مش على قد حالنا دلوقتي
- تمارا : يا ماما مش عايزة أغلط أخطاء زمان اللي فات قديمة تاه.
- محمد : يعني إيه العريس ميح خالص.
- هنا : إيه يا جماعه خلاص إنتوا جوزتوني؟.
- تمارا : آه يا هناء و بكرة هاكلم أهله عشان نتعرف بيهم.
- الأم : مش الأول تقوليننا هما مين ؟
- تمارا : أنا هاكلهم النهاردة و هاخذ منهم معاد وبعد ما أوقع عقود الصفقة هاعمل مشوار مهم و بعدها هانروح عندهم.
- الأم : إحنا اللي نروح عندهم؟ يا ندامة.
- تمارا : أيوه عشان ما يحسوش إنهم أقل منا و على رأي المثل أخطب لبنتك ولا تخطب لإبنك لا مؤاخذه يا حمادة.
- محمد : مقبولة منك يا تيتي.
- تمارا : أنا هاقوم أحضر شنطتي عشان نخرج سوا.
- هنا : هانروح على فين.
- تمارا : البيت.

قالت جملتها و نهضت سريعاً لكي تصعد و تأتي بحقيبتها و تخرج سريعاً  
من المستشفى التي ظلت بها وقتاً طويلاً حتى شفائها.

## وجهاً لوجه

حضرت تمارا الحفل في كامل أناقتها مرتدية فستان أسود مرصع بقطع من الألماس الإصطناعي ولم يخلو من الحريه في بعض مناطق الكتفين فارتدت وشاح لونه أبيض يستر ما فضحة هذا الرداء و يكسر حدة اللون الأسود فتجانس مع اللون الأبيض مع الألماس الإصطناعي لكي تظهر تمارا كإمرأة متوهجة في ليلة هامة جداً بالنسبة لها و لجميع رجال الأعمال في هذا المجال خطت خطواتها إلى مسرح القاعة وسط تصفيق حاد من الحضور الذين كانوا من رجال الأعمال الذين سوف يتعاملون مع الشركة المصدرة لمواد البناء و هكذا وصلت تمارا إلى المسرح و قد صافحت المستثمرين الأجانب و مرت دقائق من الإنتظار و بدأت في توقيع العقود وسط تصفيق حاد و سعادة كبيرة غمرتها لحظات بسيطة حتى دوت طلقات الرصاص في كل جانب من القاعة بشكل عشوائي فقام رجال الأمن الخاصين بتمارا بإخراجها من المكان فوراً كما هرول كل من كان في القاعة خارجاً منها خوفاً من الإصابة المميتة و هكذا وصلت تمارا إلى سيارتها وقد ركبت في الخلف قائلة للسائق بنبره واثقه.

تمارا : إطلع على المعادي.

فتح الباب لتتقدم تمارا إلى داخل مكتب رجل الأعمال عماد المحلاوي الذي لم يستطع أن يخفي تعابير وجهه المتفاجئة من وجود تمارا في مكتبه تقدمت ببطء حتى وصلت إلى أمام مكتبه مباشرة فقالت كلماتها بنبرة واثقه

تمارا : برافو عليك يا عماد أحبيك.

عماد : عماد؟! كده عماد حاف؟! من غير ألقاب إسمي عماد

باشا يا تمارا.

- تمارا : (بعبارة مهددة) و أنا إسمي تيتي هانم.
- عماد : الله الله انتي جايه ليه و عايزة مني إيه.
- تمارا : جايه أحبيك على الخطه الجهنميه اللي عملتها عشان تمنعني من إني أخذ الصفقة.
- عماد : (بريبه) انتي بتتكلمي عن إيه؟
- تمارا : بتكلم عن صفقة الموت و الخطه اللي عملتها عشان تمنعني بأي تمن من إني أمضي العقود! مرة تبعثلي حد يحاول يهددني و مرة حاولت تلبسني جريمة قتل و مرة حاولت تقتلني ده غير قتل ساندي بجد مش عرفه أعدك إيه ولا إيه ولا إيه.
- عماد : انتي شكلك ما فمتيش كويس ليله إمبراح.
- تمارا : (ضاحكة) إنت اللي شكلك لسة فاكرة حلم.. أنا قدامك أهو يا عماد ما متش ولا وقعت زي ما كنت عايز تعمل فيا بالعكس إنت اللي ضعت يا عماد.
- تمارا : (بلا مبالاة) شايف المسدس ده كنت ناويه أول ما أرجع شغلي إني أقتلك عشان أنتقم لدم المسكينة اللي قتلتها من غير ذنب عشان بس تخوفني و تخليني أخضعلك و أبعد خالص عن الشغل في المقاولات أو على الأقل يبقى زيي زي كل اللي في السوق أهم ماشيين جمب الحيط طول مانت ماسك عليهم زلة لكن أنا لا يا عماد أنا تمارا يا عماد.
- عماد : بقولك إيه ؟ خلصي الكلمتين بتوعك و إتفضلي عندي

حاجات أهم منك.

تمارا : (ضاحكة) لا يا عماد لا يا عماد باشا أنا كنت جاية

هنا عشان أقتلك و أنتقم لى عملته فيا.

تواصل حديثها بعبارات ساخرة

تمارا : بس دلوقتي أقتلك ليه وإننت ما تسواش تمن الرصاصة

اللى هاضربك بيها.. الصفقة تمت يا عماد باشا.

عماد : إيه؟ انتي بتقولي إيه؟

تمارا : (ساخرة) الصفقة تمت خلاص.. إياكش تكون فاكـر

إني عبيطه عشان أعمل حفلة و أمضي فيها العقود  
وأعرض نفسي و المستثمرين الأجانب للخطر أو العقود

إنه تتحرق وله تتسرق لا يا عماد باشا أنا كنت عارفة

إنك غدار عشان كده ضربت ضربتي قبل ما تفكر

تمنعني من إني أمضي الصفقة.

ثم تنظر إليه في عينيه قائلة

تمارا : خلاص يا عماد إنت إنتهيت.. إنت أنتهيت يا عماد.

عماد : إنتي بتخرفي تقولي إيه ؟ إنتي في بيتي وشوية

وهاخلي رجالتي يمسخوكي من على وش الدنيا و مش

هاتلحقي تتهني بالعقود اللي مضيتها يعني تبليها و

تشربي ميتها.

تمارا : (بعبارة واثقه) شوية و البوليس هايجي عشان يحط

في إديك الأساور وتروح معاهم متهيألي مجموع

الأحكام مش هايخليك تخرج من السجن تاني.

ثم تفكر قليلاً بصورة ساخرة

تمارا : أنا قدمت فيك بتاع ١٤ بلاغ واحد عشان قتل ساندي

وواحد محاولة قتل و واحد تشهير و واحد بتهمك فيه بالنصب أمممم أه وواحد بتهمك فيه باستغلال النفوذ أه و كلو كوم و بلاغ الإبتزاز كوم تاني و مباحث أمن الدولة هاتجيب مكالمات التليفونات اللي كان الراجل بتاعك بيهددني بيها و غيرها و غيرها بجد مش عارفة أقولك إيه بس بصراحه كفاية عليك كده بالشفنا يا عماد لازم أمشي بقه عشان تلحق تحضر شنطتك باي باي يا عماد باشا على تليفونات بقه.

تخرج تمارا من المكتب بعدما قالت كلمتها و ضحكاتها تملأ أرجاء المكان بينما هبط عماد المحلاوي على كرسي مكتبه وهو لا يعرف ماذا يفعل بعدما كل شيء فعله تحطم تماماً.

غادرت تمارا الفيلا في وقت وصول سيارة الشرطة فنظرت نظرة أخيرة إلى الفيلا ثم ركبت سيارتها و غادرت المكان في هدوء دخلت الحاجة كريمة إلى غرفة النوم بينما كان الحاج شرف منهمكاً في إعداد نفسه فقالت له في إلحاح.

الحاجة كريمة : إيه يا حاج شرف الناس على وصول وانت وابنك بقالكم ساعه قدام المرآية.

الحاج شرف : يا أم عصام إبنك النهاردة عريس و هايقابل عروسته لكن أنا بظبط نفسي عشان أكون قد المقام.

الحاجة كريمة : ليه ؟ هو إحنا مش قدام المقام؟

الحاج شرف : بصراحه أنا خايف من الجوازه دي الواد مش قد البننت.

الحاجة كريمة : يوه يا حاج ما تصعبهاش أمال خلي العيال تتجوز و تفرح و إحنا نفرح معاهم و بعيدين فرح مننا و علينا.

الحاج شرف : ربنا يكرم.

و ما أنهى جملته حتى دق جرس الباب

الحاجة كريمة : شوفت؟ مش قولتلك الناس على وصول.

الحاج شرف : أنا خلصت خلاص يلا بينا نفتح الباب.. الله فين الواد  
عصام.

عصام : إيه ده يا بابا هاتفضل على طول تقولي الكلمه دي؟  
أنا زي الشحط ٣٥ سنة.

الحاج شرف : والله لو باقيت ٦٠ سنة هاتفضل الواد عصام.

الحاجة كريمة : (مقاطعة) إيه هاتفضلوا تتكلموا كده و الناس على  
الباب.

الحاج شرف : طيب أنا جاي معاكي أهو يالا يا واد يا عصام.  
عصام : حاضر يا بابا.

خرج الحاج عصام من غرفة مصطحباً معه أسرته متجهاً للصالة لفتح

الباب و ما أن إنفتح الباب حتى ظهرت خلفه تمارا قائلة

تمارا : بابا حبيبي.. ماما حبيبي وحشتوني.

الحاجة كريمة : تعالي في حضني يا ابنتي.

و اتجهت لتقبلهم ثم ذهبت لمصافحة عصام و أثناء هذه المصافحة يدخل

من الباب حسين كامل زوج تمارا ومعه أبناءه و والده تمارا و أخيها محمد

و هناء و ولدان في سن المراهقة.

تمارا : طبعاً جوزي إنتوا شوفتوه قبل كده و دي والدتي و

أخويا محمد و أختي هناء و أولادي رانيا و هشام و

دول أولادي الجداد اللي هايعيشوا و يتربوا مع أولادي

دول أخوات ساندي صاحبتي.. إيه يا جماعة سلموا

على بعض هاتفضلوا مبلمين كده كثير.

يقوم الجميع بمصافحة الحاج شرف والحاجة كريمة و إبنهم عصام ليجلسوا في الغرفة المجاورة للصالة و هي غرفة الصالون و بعد دقائق من الترحيب و الكلمات الدافئة بدأت تمارا تتحدث.

تمارا : أنا مش هاطول كثير في الكلام المثل بيقول أخطب لبتتك ولا تخطب لإبنك و هناء لو فضلت عايشة على زكري خطيبها مش هاتتجوز أبداً و بجد مش هالاقى حد زي عصام لأختي هناء.

الحاج شرف : والله يا ابنتي لولا إنا عارفينك والله ما كنت وافقت على الجوازه بالشكل ده؟  
حسين : ليه كده يا حاج.

الحاج شرف : منا معزور يا ابني هو العروسة هي اللي تطلب العريس ولا العكس و بعدين إنتوا فين و إحنا فين.  
تمارا : إيه يا بابا الكلام ده هو فيه ما بينا تكليف؟! أنا بنتكم ودي أختي كده برضه تكسفني بكلامك ده؟

الحاجة كريمة : هو كده حمقي ولا تعرفي تغلبيه بالكلام.  
حسين : عشان خاطري يا حاج لو مش عشان خاطر تمارا ها قولت إيه؟

الحاج شرف : قولت لا إله إلا الله.  
تقوم الحاجة كريمة بالزغاريد ثم تبادلها والده تمارا بالزغاريد أيضاً ثم تقترب تمارا فرح التي جلست بجانبها هامسة لها في أذنها.

تمارا : شايقة عريسك قمر إزاي وله عضلاته حاجه تانية أهو العضلات دي هاتتنفخ بعد ما يلبس البدله الميري.  
هناء : (ضحكة) يوه ما تكسفينيش بقه يا أبله.

نهضت الحاجة كريمة لتحضر الشربات بينما قام حسين بجذب تمارا من

- يدها خارجاً بها إلى الشرفة
- حسين : (هامساً بغضب) يعني هاتفضلي طول عمرك كده  
مخلياني زي الأطرش في الرفة.
- تقترب منه تمارا بحنان قائلة
- تمارا : مالك يا حبيبي.
- حسين : (هامساً) الجوازة دي أنا مش بالعها أنا قاعد بتكلم  
مع الراجل و أنا مش مقتنع.
- تمارا : (بحنان) حبيبي هناء لو ما جوزتهاش مش هاتجوز  
وعصام نفس الموضوع و بعدين دول ناس انا عايزة  
أكسبهم و يفضلوا جنبي على طول.
- حسين : أرجوكي يا تمارا من هنا ورايح ما تعمليش حاجة من  
غير ما تقوليلى.
- تمارا : حاضر يا عمري.. يالا بقى ندخل.
- حسين : و إيه حكاية إخوات ساندي ؟.
- تمارا : حبيبي دول مالهمش حد غير أختهم الله يرحمها و  
دي أقل حاجة أرد بيها الجميل اللي عملته فيا ساندي  
كفاية إنها إقتلت بسببي.
- حسين : جواكي حاجات حلوه بتخليني أنسى الدنيا و مافيها  
معاكي.
- تمارا : وإنت حزنك بينسيني الدنيا و مافيها.
- حسين : احنا بقالنا كثير هنا يلا ندخل.
- تعود تمارا بصحبة زوجها ثم توجه كلامها للحاج شرف و الحاجة كريمة  
مقاطعة أحاديثهم الضاحكة.
- تمارا : أنا يا بابا عايزه أطلب منك طلب بس ما تكسفينيش.

الحاج شرف : طلب إيه يا ابنتي ؟  
تمارا : أنا هابعت لحضرتك من بكرة إثنين عمال يشتغلوا  
معاك في المكتبة.

الحاج شرف : ليه يا بنتي ؟  
تمارا : ومش بس كده أنا هابعت الدادا تيجي تقعد هنا  
عشان تساعد ماما في شغل البيت.

الحاجة كريمة : ده كتير يا ابنتي.  
تمارا : لا مش كتير ده ولا حاجة قدام اللي عملتوه معايا  
وعشان بكرة هناء و عصام هايجوا هنا كتير و أولادهم  
معاهم و إحنا كمان و ماما لازم تلاقي حد يريحها و  
عشان خاطري لو بتحبوني إقبلوا.

الحاج شرف : أنا مقدرش أرفضك طلب يا ابنتي.  
تعود تمارا للجلوس بجوار أختها هناء قائلة  
تمارا : العريس أخباره إيه؟  
هناء : يوه يا أبله ما تكسفينيش أنا مكسوفة أوي.  
تمارا : الجواز مافيهوش كسوف بس أنا عايزة تعرفي إني  
نقيتلك راجل كويس.

الأم : ربنا يهدي سرك يا ابنتي.  
تمارا : أخيراً يا ماما اتكلمتي.

الأم : طول عمرك يا تيتي كنتي ممشية البيت من غيري و  
عمري ما شكيت في حسن تصرفك.  
تمارا : دي تربيتك ليا يا أمي يا حبيبتي ربنا ما يحرمني منك  
أبدأ.

الأم : ولا منك يا حبيبة أمك.

تعالَت ضحكات الجميع كما غمرت السعادة لأول مره قلب تمارا بعد أن كان يملتيء بحب المال و السلطة و النفوذ لتمضي حياتها بعد الحادث في إتجاه مختلف تماماً عما كان و أصبحت أكثر عطاءً و حباً لأسرتها و للمحيطين بها.